



茅廿四

誠齋

朝天集抄

江西道院集鈔

朝天續集鈔

江東集抄

退休集鈔

二十四

柳田文庫
文庫11
D 156
24



文獻 11
D 156
24

朝天集鈔

仲冬詔追造朝供尚書郎職舟行阻風清泥

江神風伯戰方酣北浪吹翻總向南未放人扶下江柁却
教眼看上江帆

暮泊鼠山聞明朝有石塘之險

下水船逢上水船夕陽仍更澁沙灘雁來野鴨却驚起我
與舟人俱仰看回望雪邊山已遠如何篷底暮猶寒今朝
莫說明朝路萬石堆心一急湍

二月望日遷宿南宮

司郎署疎竹之韻

此君見我眼猶青笑我銀髭雪點成憶昔與君同舍日感
渠將雨作秋聲夜來遮宿三更悄葉底春寒一倍生夢入
故園數新筍籬邊破蘚幾莖橫



010190554223

48-12195

七字謝紹興帥丘宗卿惠楊梅

越絕諸楊盛一時。與儂瓜葛不曾知。老夫自笑吾衰矣。此客何從夢見之。也解過江尋德祖。政緣作尹是丘遲。渠伊不是南村派。未分先驅事荔枝。

謝胡子遠郎中惠蒲大詔墨報以龍涎心字香

墨家者流老蒲仙。碧梧採花和麝煙。華陽黑水煎膠漆。大陰玄霜作肌骨。龍尾磨飢飲鼠鬚。落點髣几几不如。夷甫清瞳光敵日。一見墨卿驚自失。後來夔州有梁杲。爾來黔川有吳老。亦追時好得時名。竟爲蒲生監降旌。吳墨往往玄尚白。梁墨濕濕黏壁。南宮先生來自西。惠然贈我四玄圭。我無鵲返鸞回字。我無金章玉句子。得君此贈端何似。兀者得鞞僧得髭。安得玉案雙鳴璫。金刀繡段底物價。

送龍涎心字香爲君典雲繞明窓

李聖俞郎中求吾家江西黃雀醴法戲作醴經遣之
江夏無雙小道士。一丘一壑長避世。裁雲縫霧作羽衣。蘆花柳綿當裘袂。身騎鴻鵠太液池。脚踏金臺攀桂枝。渴飲南陽菊潭水。飢啄藍田粟玉芝。今年天田秋大熟。紫皇遣刈神倉穀。一雙鳧雁墮雲羅。夜隨弋人臥茅屋。賣身不直程將軍。却與彭越俱策勳。解衣戲入玉壺底。壺中別是一乾坤。水精鹽山兩岐麥。身在椒蘭衆香國。玉條脫下濕髮脂。金叵羅中酌瓊液。平生學仙不學禪。剗心洗髓糟林邊。諸公俎豆驚四筵。猶得留侯借箸前。昔爲飛仙今酒仙。更入太史滑稽篇。

德壽宮慶壽口號

淳熙丙午元日。聖上詣東朝慶壽。八秩積陰頓晴。飛雪
弄日。聖孝昭格。萬姓呼舞。擬作口號。

長樂宮前望翠華。玉皇來賀太皇家。青天白日仍飛雪。錯
認東風轉柳花。

春色何須羯鼓催。君王元日領春回。牡丹芍藥薔薇朵。都
向千官帽上開。

雙金獅子四金龍。噴出香雲繞殿中。太上垂衣今上拜。百
王曾有箇家風。

天父晨興未出房。君王忍冷立風廊。忽然鳴蹕珠簾捲。萬
歲聲傳震八荒。

甲戌王春試集英。小臣曾是老門生。蒼顏華髮班行裏。也
聽鈞天九奏聲。

題曹仲本出示譙國公迎請太后圖。自肅天仗以下
皆紀畫也。

德壽宮前春晝長。宮內花開宮外香。太皇頤神玉霄上。都
人久不瞻清光。今晨忽見肅天仗。翠華黃屋從天降。一聲
清蹕萬人看。天街冰銷樓雪殘。北來又有一紅繖。八鸞三
駢金轂端。輦中似是瑤池母。鳳鳥霞裳剪雲霧。太皇望見
天開顏。萬國春風百花舞。乃是慈寧太母回鸞圖。母子如
初千古無。朔雲邊雪旗脚濕。御柳宮梅寒影疎。向來慈寧
隔沙漠。倩雁傳書雁難託。迎還驪馭彼何人。魏武子孫曹
將軍。將軍元是一縫掖。忽攘兩臂挽五石。長揖如小
兒。奉歸慈輦如折枝。功蓋天下只戲劇。笑隨赤松蠟雙屐。
飄然南山之南北。山之北。君不見岳飛功成不抽身。却遣

秦家丞相噴

正月二十四日夜朱師古少卿招飲小樓看燈

光射琉璃貫水精。玉虹垂地照天明。風流誰似朱夫子。解放元宵過後燈。

南北高峰醒醉眸。市喧都寂似巖幽。君言去歲西湖雨。城外荷聲到此樓。

和章德茂少卿拉館學之士四人訪王德修赬軒之作

西玉南金價則同。帝城相對落花風。人如天上朱星聚。我到尊中竹葉空。白紵烏紗青寶玦。紫鸞黃鶴碧梧桐。子此遇還孤往。恨殺燈前欠老翁。

送何一之右司出守平江

十年一別再重逢

流不減韋蘇州

不應遲五月鴛鴦

招陳益之李兼濟二主管小酌益之指蠶豆云未有

賦者戲作七言蓋豌豆也吳人謂之蠶豆云

翠莢中排淺碧珠。甘欺崖蜜軟欺酥。沙瓶新熟西湖水。漆搗分嘗曉露腴。味與櫻梅三益友。名因蠶繭一絲絢。老夫稼圃方雙學。譜入詩中當稼書。

初夏清曉赴東宮講堂行經和寧門外賞花市

剽雨殘風一向顛。花枝酒殘兩無緣。忽逢野老從湖上。擔取名園到內前。芍藥截留春去路。鹿葱上夏初天。衆紅半霎聊經眼。不枉皇州第二年。

蚤謁景霽靈宮聞子規

帝里都無箇裏寬。苑深地禁到應難。蔚然綠樹去天近。上有子規啼月殘。便覺恍如還故里。不知聞處是長安。野舊薇發桐花落。孤負南溪老釣竿。

以六一泉煮雙井茶

鷹爪新茶蟹眼湯。松風鳴雪兔毫霜。細參六一泉中味。故有涪翁句子香。日鑄建溪當退舍。落霞秋水夢還鄉。何時歸上滕王閣。自看風爐自煮嘗。

西府直舍盆池種蓮

飛空天鏡墮芳苔。玉井移蓮旋旋栽。坐看一花隨手長。揆開半葉出頭來。稍添菱荇相縈帶。便有龜魚數往回。剩欲遶池三兩匝。數聲排馬苦相催。

西府寒泉汲十尋。淡澆淺灑碧森森。高花已照紅粧鏡。小蒼新抽紫玉簪。鈿破尚餘新雨恨。繖疎纔作半池陰。西湖瘦得如盆大。更伴詩人恐不禁。大音情

陳襄叔郎中出閩漕別送新茶李聖俞郎中出手分

似

頭綱別樣建溪春。小壁蒼龍浪得名。細瀉谷簾珠顆露。打成寒食杏花餠。鷓鴣斑斕面雲縈。字兔褐甌心雪作。泓不待清風生兩腋。清風先向舌端生。

跋尤延之左司所藏光堯御書歌

光堯太上皇帝御書西漢書列傳目。上有璽文曰帝錄。臣裒得之以示臣萬里。謹拜手稽首作歌敬書于後。鸞臺長史老野僧。月前病鶴霜後蠅。文書海裏衮不了。黑

花亂發雙眼睛。故人同舍尤太史。敲門未揖心先喜。袖中
傾下十斛珠。五色光芒射窓几。自言天風來帝旁。拾得復
古殿中雲一張。向來太上坐朝罷。勝日光風花柳暇。浣花
叢裏冰雪容。宣城鷄距針芒鋒。天顏有喜聊小試。西京書
目供遊戲。韓彭衛霍欣挂名。舒向卿雲感書字。漢廷多少
失意人。九京寸恨不作塵。一朝翻入聖筆底。昭回之光喚
渠起。小臣濫巾縫掖行。手抄孝經不徹章。何曾下筆寫史
漢。再拜恭覽汗透裳。太史結廬伴鷗鷺。錫山山下荆溪渡。
紅光紫炁燭天衢。箇是淡藏寶書處。

送張定叟

紫巖衣鉢付南軒。介弟曾同半夜傳。師友別來真夢耳。江
湖相對各潛然。但令門戶無遺恨。何必功名在早年。君向

瀟湘我閩粵。寄書只在寄茶前。

特予方上章乞闕漕

行路難

君不見河陽花。今如泥土昔如霞。君不見武昌柳。春作金
絲秋作帶。人生馬耳射東風。柳色桃花却長久。秦時東陵
千戶侯。華蟲被體腰蒼璆。漢初沛邑刀筆吏。折腰如磬頭
槍地。蕭相厥初謁邵平。中庭百拜百不應。邵平後來謁蕭
相。故侯一拜一惆悵。萬事反覆何所無。二子豈是大丈夫。
窮通流坎皆偶爾。搏扶未必賢槍榆。華胥別是一天地。醉
鄉何曾有生死。儂欲與君歸去來。千愁萬恨付一杯。

冬至節後賀皇太子及平陽郡主

長樂鐘聲遠夢驚。建章星影照人行。千官燈語聽殘點。一
夜霜寒在五更。金鑰玉篴開北闕。銀鞍絲控謁東明。青宮

朱邸環天極。五色祥雲覆帝城。

跋張功父通判直閣所惠約齋詩乙藁

句裏勤分似。燈前得細嘗。孤芳後山種。一瓣放翁香。苦處霜爭澀。臘來鶴較強。不應窮活計。公子也忙忙。

送趙氏則少監提舉

座主門生四十年。江湖契濶幾風煙。同朝再接鴛行裏。握手相看鶴髮前。誤喜論詩追舊事。不知呼酒是離筵。老懷只作還山夢。輸與先生早着鞭。

上巳同沈虞卿允延之王順伯林景思游春湖上隨

和韻得絕句呈之同社

鵝袍林裏過芳辰。聞道春來不識春。及至識春春已老。于中更老是詩人。

揔宜亭子小如拳。着得西湖不見痕。湖上軒窗無不好。須抵死揀名園。

天色鬢鬆未肯收。吾儕自樂不曾愁。隨宜旋旋商量着。晴即行行雨即休。

籃輿休上馬。林騎溼却青鞋。也不辭。揀取雨絲疎處去。攜筇且謁水仙祠。

雨催杖履却須回。捲上疎簾眼頓開。十里湖光平似鏡。柳梢梢上一船來。

岸上湖中各自奇。山觴水酌兩皆宜。只言游舫渾如畫。身在畫中元不知。

景靈宮聞子規

今年未有子規聲。忽向宮中樹上鳴。告訴落花春不管。裴

同曉月恨難平。斜風細雨又三日。柳絮浮雲空一生。豈不
懷歸歸未得。倩渠傳語故園鶯。

趙達明大祖回于四月一日招游西湖

畫舫侵晨繫柳枝。主人生怕客來遲。嬌雲嫩日無風色。幸
是湖船好放時。

御池水滿苑門開。泥帶飛花路帶苔。到得孤山翻作惡。海
棠開日不曾來。

走筆送濟翁胞弟特往浙東謁拜丘宗卿

若見丘遲問老夫。爲言照似向來髭。更將雙眼寄吾弟。帶
去稽山看鑑湖。

題水月寺寒秀軒

古寺深門一徑斜。繞身終日總烟霞。低低簷入低低樹。小

小盆成小小花。經藏中間看佛畫。竹林外面是人家。山僧
笑道知儂渴。其實迎賓瀹茶。

題劉寺僧房

曾醉山間金叵羅。山應識我我懷它。頓添花竹明松檜。依
舊菰蒲暗芰荷。試問錦官無恙否。向來梅樹已無多。未須
看遍新亭榭。勝日重來一一過。

送林子方直閣秘書將漕閩部

梅花園裏荔枝村。頗記呼燈作上元。一別頻蒙訪生死。七
年再見敘寒溫。屬當閩部祈羣望。不得臨風共一尊。誰爲
君王留國士。吾衰猶擬吐天關。

亦聞小泊贊公房。清曉垵公藜叩上方。君與一僧游別嶂。我
行百匝造長廊。風中霧屨來雲外。雪檜霜松滿袖香。政是

炎官張火傘。不應多取海山涼。

木樨初發呈張功甫

塵世何曾識桂林。花仙夜入廣寒深。移將天上衆香國。寄在梢頭一束金。露下風高月當戶。夢回酒醒客聞砧。詩情惱得渾無賴。不為龍涎與水沉。

又和

老子江西有故林。萬松圍裏桂花深。憶曾風露飄寒粟。自領兒童拾落金。割蜜旋將捺作餅。擣香須記不經砧。一枝未覺秋光減。燈影相看萬籟沉。

題徐衡仲西窗詩編

江東詩老有徐。語帶江西句子香。秋月春花入牙頰。松風澗水出肝腸。居仁衣鉢新分似。吉甫波瀾并取將。嶺表

舊遊君記否。荔枝林裏折桃榔。

題吳夢與古樂府

金麥褰帷銀蒜鈎。水光殿後月華樓。鸞歌花笑柳起舞。何處人間更有愁。吳郎那得吳宮語。夢裏苧蘿人道許。低紅揜翠曲未終。小兒索飯啼門東。

買菊

老夫山居花繞屋。南齋杏花北齋菊。青春二月杏花開。拖瓶醉臥錦繡堆。涼秋九月菊花發。自折寒枝插華髮。湘纍落英曾幾何。陶令東鄰未是多。吾家滿山種秋色。黃金為地香為國。就中更有一丈黃。霜葩月蕊耿出牆。飲徒無酒尋不得。尋得一身花露香。如今小寓咸陽寺。有口何曾問花事。百錢擔上買一株。聊伴詩人發幽意。

再和謝朱叔正機宜投贈獎及南海集之句

重陽風雨不全篇。春草池塘豈滿編。好句誰言較多少。古人信手斲方圓。自慚下下中中語。祇合休休莫莫傳。珍重銀鈎揮玉唾。竟無瑤報只空然。

和張功甫夢歸南湖

一生兩事苦相關。從仕居貧併作難。顧我雪穿行脚襪。羨君身作在家官。曉分京兆月半壁。夕問南湖水幾竿。桃李能言春滿座。向人猶自訴霜寒。

張功父請祠甚力。簡以長句。

老夫不及朱師古。納却太常少卿得潼府。老夫不及張約齋。乞得華州仙觀名雲臺。金印如斗牀滿笏。富貴何曾膏白骨。一世窮忙爲阿誰。終日逢人皺兩眉。賣身長鬚仍赤

脚。忍向墻間乞東郭。添丁德曜喜欲顛。孤竹一簞真箇錯。張君有宅復有田。朱君歸去無一錢。老夫老矣不歸去。五柳先生應笑汝。

利州路提刑秘書張季長送泚研發視乃一段柏木也。作詩謝之。

繡衣使者凜霜威。方丈仙人舊羽儀。別去十年真一夢。滄來萬里寄相思。如何綠石涵風面。化作青銅溜雨枝。却送新詩報嘉惠。偷兒當不要新詩。

送德輪行者

瀝血抄經奈若何。十年依舊一頭陀。袈裟未着愁多事。着了袈裟事更多。

題畢少董繙經圖

畢敷文少董名良史。紹興初陷。境居汴閉戶。著春秋
正辭論語探古書。有宋哲夫李頤良輩。執經師之好事
者。寫爲繙經圖。宋執一卷背立。且讀且指。李執一卷向
其師。若有問者。而少董坐一榻上。後有二女奴。各有所
執。而阿冬者。坐其間。少董之季子也。女奴之壘者曰孫
壽冠者曰馬惠真。哲夫名成。願良名師。魏云。

宋生把卷讀。且指李生把卷問奇字。榻上坐着一老子。右
手秉筆袒左臂。春秋論語訓傳成。習中有話頗欲告兩生。
欲呼小白拉重耳。同尊帝京。婢妾不解事。兩生未
可語。冬郎政兒癡。誰能復憐許。繙經未了報歸期。攜書歸
來獻玉蟾。沙滿面無人識。回首兩生斗南北。

戊申元日立春題道山堂前梅花

今年元日不孤來。帶領新春一併回。夜雨初添石渠水。翼
風先入道山梅。不妨數朶且微破。未要十分都放開。江路
野香原自好。阿誰攜取種蓬萊。

龍山送客

念念還鄉未得還。偶因送客到龍山。分明認得西歸路。
是回車却入關。

跋王順伯所藏歐公集古錄序真蹟

遂初欣遇兩詩伯。臨川先生一禪客。三人情好元不疎。祇
是相逢逢不得。渠有正觀碑。儂有永和詞。真贗爭到底。未
說妍與媸。珊瑚擊得如粉碎。趙璧博城翻手悔。不似三家
關斷碑。夜戰半酣莫先退。皇朝愛碑首歐陽。集古萬卷六
一堂。玄圭漆玉堆墨寶。點霜黑水塗繙裳。臨川無端汲古

手。席卷歐家都奄有。岫山科斗不要論。嶧山野火不經焚。
尤家沈家喙如鐵。未放臨川第一勳。不知臨川何許得尤。
物集古序篇出真筆。遂初心如口不言。君看跋尾猶悵然。
遂初欣遇尤延之尤虞卿自號也二公與順伯皆喜收碑
刻各自誇尚

和張功父梅詩

今歲柴車總未巾。孤山龍井不曾行。老無半點看花意。遮
莫明朝雨及晴。
約齋句子已清圓。更賦梅花分外妍。不飲銷金傳玉手。却
來齒雪聳詩肩。
要與梅花巧鬪新。恨無詩句敵黃陳。約齋詩好人仍好。不
怕梅花賽却人。
夢種菜

予三月一日之夜。夢遊故園。課僕夫種菜。若秋冬之交
者。尚有菊也。夢中得菜子菊花一聯。覺而足之。

肯秋新理小園荒。過雨畦丁破塊忙。菜子已抽蝴蝶翅。菊
花猶著鬱金裳。從教蘆葍專車大。早覺蔓青撲鼻香。宿酒
未消羹糝熟。析醒不用柘爲漿。

春雨呈袁起巖

昨日晴暄盡十分。無端寒濕復今晨。蒼顏華髮差排老。急
雨顛風屏當春。只有觀書堪遣日。從來病眼不如人。詩名
滿世真何用。更賺先生願卜鄰。

謝張功父送牡丹

病眼看詩痛不勝。落花千朵喚雙明。淺紅醲紫各新樣。雪
白鵝黃非舊名。擡舉精神微雨過。留連消息嫩寒生。蠟封

水養松窗底。未似瑤欄倚半醒。

三衢登舟午睡

午息昏昏不肯醒。倦投竹枕睡難成。曉然有夢疑非夢。聽得
人聲及水聲。

曉泊蘭溪

金華山高九天半。夜雪裝成珠玉案。蘭溪水清千頃強。湖
風凍作琉璃鉤。日光雪光兩相射。病眼看來忘南北。恨身
不如波上鷗。脚指爲楫身爲舟。恨身不如沙上雁。蘆花作
家梅作伴。折綿冰酒未是寒。曉寒真欲冰我肝。急閉籬
擁爐去。竹葉梨花十分注。

蘭溪解舟

只愁灘淺閣行舟。到得江深又不流。水鳥避人飛不徹。看
他沒去看他浮。

和陳蹇叔郎中乙巳上元晴和

御柳梢頭晚不風。官梅面上雪都融。如何闐闐新春夜。頓
有芙蓉滿眼紅。十里沙河人最鬧。三千世界月方中。買燈
莫費東坡紙。今歲鰲山不入宮。十四日晚有旨徹禁中山

春寒早朝

十載江湖今又歸。朝雞不許夙興遲。每聞撲鹿初鳴處。只
是鬆鬟好睡時。病眼生憎紅蠟燭。曉光來到碧桃枝。誰能
馬上追前夢。坐待金門放玉篴。

沈虞卿秘監招遊西湖

蘇公堤遠柳生煙。和靖園深竹映關。船入菱荷香處去。人
從雲水國中還。似寒如暖清和在。欲雨翻晴頃刻間。能爲

蓬萊老仙伯。一杯痛快吸湖山。

送鄉僧德璘監寺緣化結夏歸天童山

七百支郎夜忍飢。木魚閉口等君歸。還山大衆空歡喜。只有誠齋兩首詩。

答提點綱馬驛丞劉修武

解道征鴻數字秋。清於雪碗映冰甌。老來筆底心無毒。交割風光與子休。

賀皇太子九月四日生辰

繼照姿天縱。分陰學日勤。橘中招綺夏。瓜處屏伍文。老別魚竿月。來依鶴禁雲。還將古鑑。聊當野人芹。

和同年李子西通判

走馬看花佛綠楊。曲江同賞。丹香向來年。今俱老。君

拜監州我作郎。北闕小遲蒼玉。佩南征聊製芰荷裳。病身

只作家山夢。徑菊詩葩兩就荒。

九日卽事呈尤延之

昨日茱萸未苦香。今朝籬菊頓然黃。浮英泛蕊多多著。舊酒新醅細細嘗。節裏且追千載事。髣邊管得幾莖霜。正冠落帽都見態。自笑狂夫老不狂。

和周元吉左司夢歸之韻

半似清狂半白癡。不須人笑我心知。煙霞平日真成癖。山水中年却語離。錯計浪隨雲出岫。感君能遣雨催詩。居然喚起還家夢。橘刺藤梢隔槿籬。

送劉孔章縣尉得官西歸

早宴黃花詣粉闈。晚按春草染朝衣。却提猛士弓彎月。去

掃封狐雪打圍綠鬢朱顏君勝我青春白日我思歸何時
共淪青原茗下看江鷗來去飛

雲龍歌調陸務觀

平四句
仄二句
平四句
仄二句
平二句
仄二句
平二句
仄二句
平六句

墨池楊子雲雲間陸士龍天憎二子巧言語只遣相別無
相逢長安市上忽再值向來一別三千歲王母桃花落幾
番北斗柄爛銀河乾雙鬢成絲絲似雪兩翁對面而如丹
借問別來各何向渭水東流我西上金印斗大直幾錢錦
囊山齊今幾篇詩家不愁吟不徹只愁天地無風月君不
見漢家平津侯東閣冠蓋如雲浮又不見當時大將軍公
卿推拜如星奔抵今雲散星亦散也無鹿登臺榭羊登坡
何暇與君上廬阜都將硯水供瀑布磨鎌更斫扶桑樹擣
走仙紙裁煙霧雲錦天機織詩句孤山海棠今已開上已
未有遊人來與君火急到一回一杯一杯復一杯管他玉
山頽不頽詩名於我何有哉

再和雲龍歌畱陸務觀西湖小集且督戰云

我願身為雲東野化為龍龍會入淵雲入岫韓子却要長
相逢作意相等偏不值不知今年是何歲刻藤土板贈一
番廷珪烏丸曬未乾乃是故人陸浚儀詩骨點化黃金丹
謂宜天祿貯劉向不然亦合雲臺上却令去索催租錢枉
却清風明月三千篇夜裝明發走不徹半篙刺碎巖灘月
老夫不願萬戶侯但願與君酒船萬斛同拍浮老夫不怯
故將軍但怯與君筆陣千里相追奔少陵浣花舊時屋太
白青山何處墳二仙死可埋丘阜二仙生可着韋布名挂
廣寒宮裏樹非煙非雲亦非霧長使玉皇掉頭誦渠句詩

府誰得玉笈開詩壇誰授黃鉞來畱君不住君急回不道
西出陽關無此杯西山金盆儘渠頽斯游明日方懷哉

寒食雨中同舍人約遊天竺得十六絕句呈陸務觀
遊山不合作前期便被山靈聖得知只等五更傾一雨三
更猶是月明時

笋輿衝雨復衝泥一徑溪溪只覺遲孤塢忽從雲外出寺
門漸近報儂知

住山何敢望他僧只是遊山也不曾可惜一條杉檜路都
將濕了不教行

破雨遊山也莫嫌却緣山色雨中添人家屋裏生松樹穿
出茅簷却覆簷

小溪曲曲亂山中嫩水濺濺一線通兩岸桃花總無力斜

紅相倚卧春風

老檜如幢翠接連山茶作塔綠縈纏山僧相識渾相忘不
到山中十五年

三峰小石一方池下有機泉仰面飛坐看跳珠復拋玉忽
然一噴與簷齊

清遠溪中小閘頭遮攔溪水不教流山僧爲我放一板濺
雪奔雷怒未休

城裏哦詩枉斷髮山中物物是詩題欲將數句了天竺天
竺前頭更有詩

忽撚金絲嬾綺疏又驚寒食到來初不知折盡西湖柳
遍長安萬戶無

禪房寂寂水潺潺湖草巖花點綴間忽有仙禽發奇響頻

伽來自補陀山

雨裏匆匆怨出郊。時時不出却誰教。西湖北畔名園。無
數桃花只見梢。

戶戶游春不放春。只愁春去不愁貧。今朝道是游人少。處
處園亭處處人。

若道尋春被雨催。如何隨處雨三杯。晚晴曉雨如翻手。有
底虧儂不好來。

萬頃湖光一片春。何須割破損天真。却將葑草分疆界。葑
外垂楊屬別人。

轎頂花枝儘鬧裝。游人未暮已心忙。無端更被千株柳。展
取蘇堤分外長。

陸務觀劍南詩集二首

今代詩人後陸雲。天將詩本借詩人。重尋子美行程舊。盡
拾靈均怨句新。鬼嘯狻啼巴峽雨。花紅玉白劍南春。錦囊
繙罷清風起。吹仄西窗月半輪。

劍外歸來使者車。淞東新得左魚符。可憐霜鬢何人問。焉
用詩名絕世無。彫得心肝百雜碎。依前途轍九盤紆。少陵
生在窮如蝨。千載詩人拜蹇驢。

新晴讀樊川詩

江妃瑟裏芰荷風。淨埽癡雲展碧穹。嫩熱便真疎小扇。斜
陽酷愛弄飛蟲。九千刻裏春長雨。萬點紅邊花又空。不是
樊川珠玉句。日長淡殺箇衰翁。

駕幸聚景晚歸有旨次日歇泊

身在長安夢故山。故山未去且長安。落紅滿地莫教掃。新

綠隔墻聊借看。竹葉勸人行樂事。榴花爲我遣春寒。賜休
又得明朝睡。不問三竿與兩竿。

都下食筭自十一月至四月戲題

竹祖龍孫渭上居。供儂樽俎半年餘。斑衣戲綵春無價。玉
版談禪佛不如。若怨平生食無肉。何如陋巷飯斯蔬。不須
庾。非元修菜喫到憎時始憶渠。

醱醪

以酒爲名却謗他。水爲肌骨月爲家。借令落盡仍香雪。且
道開時是底花。白玉梢頭千點韻。綠雲堆裏一枝斜。休休
莫斷西莊柳。放上松梢分外佳。

南海陶令曾送水沈報以雙井茶二首

嶺外書來謝故人。梅花不寄寄爐熏。瓣香急試博山火。兩

袖忽生南海雲。再惹鬚眉清入骨。繁盈窻几巧成文。瓊巖
作報那能辦。雙井春風輕一斤。

沈水占城第一良。占城上岸更差強。黑藏骨節龍筋瘠。班
出文章鷓翼張。滾盡殘膏添猛火。熬成熟水趁新湯。素馨
熏染真何益。畢竟輸他本分香。

幼圃

一蒲橋寓居。庭有剗方石而實以上者。小孫子藝花窠菜
本其中。戲名幼圃。

寓舍中庭劣半弓。鶯泥爲圃石爲墉。瑞香萱草一兩本。葱
葉葶苗三四叢。穉子落成小金谷。蝸牛卜築別珠宮。也思
日涉隨兒戲。一逕惟看蟻得通。

送周元吉顯謨左司將漕湖北

君詩日日說歸休。忽解西風一葉舟。黃鶴樓前作重九。水
精宮裏過中秋。職親六閣仍金馬。喜入千屯看木牛。繡斧
光華誰不美。一賢去國欠人留。

又見周郎攜小喬。武昌赤壁醉嬌饒。蜀江雪水來三峽。吳
苑風煙訪六朝。秋月春花出肝肺。新詞麗曲入笙簫。歸來
却侍金鑿殿。好看霜毫映珥貂。

彼此江湖漫浪翁。相逢通宿省西東。兩窮握手論詩後。一
笑投膠入漆中。臨水登山公別我。青鞋布襪我從公。貂裘
已博江西艇。只待黃花半席風。

送王季德提刑寶文少卿

寶儲依舊接吳游。盪節何曾遠藻旒。卿月使星銀漢曉。繡
衣綵服太湖秋。豺當道上狐何問。鷹擊霜前兔已愁。火急

平反供一笑。紫荷玉笋待君侯。

贈都下寫真葉德明

我昔山林人不識。或疑謫仙或狂客。仰看青天不看人。醉
裏那知眼青白。一攜破硯入長安。素衣成緇綠鬢斑。上林
麒麟着野馬。滄洲鷗鷺綴孔鸞。漢宮威儀既不入。貴人樣
灞橋風雪又不見。詩人相不須。覽鏡照清溪。我亦自憎塵
俗狀。葉君着眼秋月明。葉君下筆秋風生。市人請畫卽唾
罵。只寫龍章鳳姿公與卿。肯來爲予寫衰貌。擲筆掉頭欣
入妙。相逢可惜遲十年。不見詩翁昔年少。

送孫檢正德操龍圖出知鎮江

看花走馬紹興間。彼此春風各少年。黃甲諸儒今幾許。白
頭同舍省東偏。昨宵歸夢月千里。餘債欠君詩兩篇。已乞

閩山一窠闕。老身只要早歸田。

食雞頭子

三危瑞露凍成珠。九轉丹砂鍊久如。鼻觀溫芳炊桂歇。齒根熟軟剝胎餘。半甌鷹爪中秋近。一炷龍涎丈室虛。却憶吾廬野塘味。滿山柿葉正堪書。

新寒戲簡尤延之檢正

逗晚添衣併數重。隔晡剩熱尚斜紅。秋生露竹風荷外。寒到雲窻霧閣中。半點暄涼能幾許。古來豪傑總成空。木犀香殺張園了。雪臭金梭欠兩翁。

跋姜春坊梅山詩集

松風澗水打窻聲。玉珮瓊琚觸眼明。當畫如何桂秋月。未春特地轉新鶯。只銷一卷梅山集。幻出多般景物情。老子

平注有詩癖。爲君焚却老陶泓。

秋雨蚤作有歎

細雨簷無質。安得更有聲。如何却作泥。亦能妨晨征。宿昔忽過暗。心知非堅晴。何須暄晴極。然後寒雨生。寒生使人覺。妙物亦何曾。翦翦自神妙。無乃與物矜。造物本非作。觀者或強名。老夫近稍聾。此事無暇聽。平生感秋至。此意今已平。獨念老病身。頗不耐夙興。何時歸故園。晏眠閉柴荆。鳴雞亦不留。好夢無吾驚。他年憶此時。惘如宿酒醒。思歸已可喜。而况真歸耕。

寄題曾子與競秀亭

老夫上下蓼花灘。每過君家輒繫船。尊酒燈前山入座。孤鷗月底水連天。暄涼書問二千里。場屋聲名三十年。競秀

主人文似豹。不應霧隱萬峰邊。

赴文德殿聽麻仍拜表

蒼龍觀闕啓槐宸。白玉階除振鷺羣。仗外諸峰獻松雪。霜前一雁度宮雲。舍人就日宣麻制。丞相瞻天進表文。風退自欣還自笑。素餐便當策殊勳。

紫宸殿拜表賀雪

稍緩鳴靴不住催。一聲再拜忽如雷。封章進了儀曹退。文武班齊上相來。白髮兩年陪賀雪。紫衣數輩小傳杯。賜休退食端何限。未到西湖探早梅。

立春後一日和張功父闌梅未花之韻

前夕三更月落時。東風已動萬花知。江梅端合先交割。春色如何未探支。只欠梁溪水柱句。追還和靖暗香詩。張家剩有蔥根指。不把瓊酥滴一枝。

人日出遊湖上

去時數點雨。歸時數片雪。雨雪兩不多。山路雙清絕。城中雪一尺。山中雪一丈。地上都已消。却在松梢上。去歲遊春屐。苔痕故可尋。人家隨岸遠。塢影落湖深。

寄題劉成功錦里

嘉林市中虛一丈。嘉林寺後竹千竿。先君授徒竹窻底。我初識君俱少年。同師同舍同筆硯。火冷燈青飛雪片。春風一夜吹林花。南北飄零各星散。我今頭白苦思歸。羨君山園芋栗肥。爲君題作小錦里。君應一笑巾墮几。

讀淵明詩

少年喜讀書。晚悔昔草草。迨今得書味。又恨身已老。淵明

非生面。穉歲昔已早。極知人更賢。未契詩獨好。塵中談久
睽。暇處目偶到。故交了無改。乃似未見寶。貌同覺神異。舊
翫出新妙。凋空那有痕。滅跡不須埽。腹腴八珍初。天巧萬
象表。向來心獨苦。膚見欲幽討。寄謝穎濱翁。何謂淡且稿。

送姜夔堯章謁石湖先生

釣璜英氣橫白蜺。欬唾珠玉皆新詩。江山愁訴鸞爲泣。鬼
神露索天洩機。彭蠡波心弄明月。詩星入腸肺肝裂。吐作
春風百種花。吹散瀕湖數峰雪。青鞋布襪軟紅塵。千詩只
博一字貧。吾友夷陵蕭太守。逢人說項不離口。袖詩束來
謁老夫。慙無高價當璠璵。翻然却買松江艇。徑去蘇州參
石湖。

林景思寄贈五言以長句謝之

華亭沈虞卿。惠山尤延之。每見無雜語。只說林景思。試問
景思有何好。佳句驚人絕。句句飛從月外來。可羞王
公薦穹昊。若人乘雲駕天風。秋衣剪菊裁芙蓉。暮宿銀漢
朝蓬宮。我欲從之東海東。西湖柳色二三月。相逢一笑冠
纓絕。醉招和靖叫東坡。一吸西湖湖水竭。我醉自眠君自
顛。路人往往指作仙。此輩何曾識此樂。識與不識俱可憐。
矧時花開今已落。思君令人瘦如鶴。夢裏隨君攜酒瓢。同
登天台度石橋。瀑布界天瀉雪窟。長松拔地攙煙霄。與君
聯句章未了。帝城鐘動西峰曉。海風吹墮珊瑚枝。乃是先
生寄我詩。火雲燒江江水沸。君詩清涼過於水。定知來自
雪巢底。恍然坐我天台寺。

寄題劉凝之墳山壯節亭用轆轤體

見了廬山想此賢。此賢見了失廬山。曾中書卷雲凌亂。身
外功名夢等閒。一點目光牛背上。五絃心在雁行間。欲吟
壯節題崖石。筆挾風霜齒頰寒。

賀皇太子九月四日生辰

典學光陰壁不如。簡編燈火卷還舒。極知儲后勤稽古。却
是儒生懶讀書。心到帝王圖籍外。手追雅頌國風初。人間
未見瑤山集。十倍曹丕尚有餘。

和袁起巖郎中投贈七字

故人一別兩相思。不但平生痛飲師。曾次五三真事業。筆
端四六更歌詩。閉門覓句今無已。刻意傷春古牧之。卧雪
高人家譜在。春風政着紫蘭枝。

江西道院集鈔

戊申四月九日得請補外。初出國門宿釋迦寺。

六二

出却金宮入梵宮。翠微綠霧染衣濃。三年不識西湖月。一
夜初聞南澗鐘。藏室蓬山真昨戲。園翁溪友得今從。若非
朝士相追送。何處冥鴻更有踪。

明發南屏

新晴在在野花香。過雨迢迢沙路長。兩度立朝今結局。一
生行客老還鄉。猶嫌數騎傳書札。剩喜千山入肺腸。到得
前頭上船處。莫將白髮照滄浪。

過南蕩

秧纒束髮幼相依。麥已掀髯喜可知。笑殺權籬能耐事。東
扶西倒野醪醅。

近岫遙峰翠作圍。平田小港碧行遲。乘楊一徑濼濼去。河
那人家住得奇。

過楊村

石橋兩畔好人烟。匹似諸村別一川。楊柳陰中新酒店。葡
萄架底小漁船。紅紅白白花臨水。碧碧黃黃麥際天。政爾
清和還在道。爲誰辛苦不歸田。

側溪解纜

夢裏喧聲定不凡。順風解纜破晴嵐。起來職事惟洗面。此
外功名是挂帆。莫笑一蔬兼半菽。飽食萬壑與千巖。蓬萊
雲氣君休望。且向嚴灘濯布衫。

舟過桐廬

瀟灑桐廬縣。寒江繚一灣。朱樓隔綠柳。白塔映青山。稚子

排牕出。舟人買菜還。峰頭好亭子。不得一躋攀。

近縣人人喜。來船岸岸移。偶因小泊處。恰是早炊時。喚僕

答相亂。看山寒不知。橫洲猶半在。今歲水生遲。

後面山無數。南頭柳更多。人家逼江岸。屋柱入滄波。老去

頻經此。重來更幾何。牛山動悲感。曾侍板輿過。

溜港灘

此去嚴州只半程。一江分作兩江橫。忽驚洲背青山下。却
有桅檣地上行。

蘭溪女兒浦曉寒

前年寒早熱亦早。去年寒遲熱亦遲。何曾寒暑有遲速。通
融三年那兌支。人生何必早得意。芍藥榮時牡丹瘁。榮枯
遲速一笑休。順風今日好行舟。

詞苑英華卷之五
嘲穉子
兩裏船中不自由。無愁穉子亦成愁。看渠坐睡何曾醒。及至教眠却掉頭。

柴步灘

江濶水不聚。分爲三五灘。遂令客子舟上灘。一一難。小沙已成洲。大沙已成山。山有樹百尺。樹圍屋數間。水底復生洲。沙濕猶未乾。從此洲愈多。安得水更寬。憶從嚴陵歸。水落不能湍。拖以數童僕。折却十竹竿。今茲過吾舟。念昔猶膽寒。

東噴灘

江船初上灘。灘水政勃怒。船工與水鬪。水力攔船住。琉璃忽破碎。水雪併吞吐。竟令水氣伏。低頭船底去。翻來發盈川。已過灘十許。但聞浪喧闐。未覩水態度。却緣看後船。偶爾見奇處。從此至三衢。猶有灘四五。

將至地黃灘

未到地黃灘。十里先聞聲。檣竿已震掉。未敢與渠爭。舟人各整篙。有如大敵臨。舉蓬試一望。濺雪紛淙瑋。乃是水磴港。爲灘作先鳴。真灘定若何。老夫虛作驚。

蘇木灘

灘雪清濺眸。灘雷怒醒耳。落洪翠壁立。跳波碧山起。船進若戰勝。船退亦遊戲。若非篙師苦。進退皆可喜。忽逢下灘舟。掀舞快雲駛。何曾費一棹。纔瞬已數里。會有上灘時。得意君勿恃。

遼東灘

東岸上不得。西岸上更難。五船往復來。經緯灘兩間。一船
初徑進。當流爲衆先。濤頭打澎湃。退縮不敢干。一船作後
殿。忽焉突而前。瞬息越湍險。回顧有矜顏。老夫與寓目。亦
爲一粲然。

過查灘

眼底常山一武中。上灘更得半船風。青天以水爲銅鏡。白
鷺前身是釣翁。舊日岸頭渾改盡。數尖山背忽攙空。老夫
只費五六日。行盡浙山西復東。

過鉛山江口

下却諸灘水漸平。舟行已遠上饒城。酒家便有江鄉景。綠
柳梢頭挂玉瓶。

初二日苦熱

人言長江無六月。我言六月無長江。只今五月已如許。六
月更來何可當。船倉周圍各五尺。且道此中底寬窄。上下
東西與南北。一面是水五面日。日光煮水復成湯。此外何
處能清涼。掀蓬更無風半點。揮扇只有汗如漿。吾曹避暑
自無處。飛蠅投吾求避暑。吾不解飛且此佳。飛蠅解飛不飛去。

感秋

昨扇猶午攜。今裳覺晨單。起來且復臥。未敢窺柴關。不覺
病至此。爲復老使然。平生性剛燥。畏熱長喜寒。念昔茶鄉
賦。踐雪詣春官。布褐皆不縫。芒鞋繭且穿。長亭夜濯足。次
燈呻故編。買酒破孤悶。浩歌殷屋椽。何曾悲廩秋。山稜聳
矐肩。秋風吹我髓。秋露滴我肝。我欲與秋敵。秋先令我酸。
歎息復歎息。誰是長少年。

新編江西道院集
四
盪漉已云畢。危坐正冠衣。覽鏡忽見我。不識我爲誰。自倚
身尚強。不悟年已衰。舉頭視嘉木。向人慘無姿。我欲訴渠
老。渠乃懷秋悲。木悲不解飲。瑟瑟聲怨咨。我且呼麴生。細
細斟酌之。我醉不知我。更知春秋爲。
墮照趣夕黯。孤燈啓宵明。老夫倦欲睡。似醉復如醒。寸心
無寸恨。但如江海清。秋蛩何爲者。四面作怨聲。淒惻竟未
已。抑揚殊不平。切切百千語。遞遞三四更。繞砌尋不得。靜
坐復爭鳴。有口汝自苦。我醉不汝聽。
秋曉寒何忍。秋夕永難度。青燈照書冊。兩眼如隔霧。拚卷
却孤坐。塊然與誰語。倒卧卧不得。起行行無處。屋角忽生
明。山月到庭戶。似憐幽獨人。淡夜約清晤。我吟月解聽。月
轉我亦步。何必更讀書。且與月聯句。

平生畏長夏。一念願清秋。如何遇秋至。不喜却成愁。書冊
秋可讀。詩句秋可搜。永夜宜痛飲。曠野宜遠遊。江南萬山
川。一夕入寸眸。請辦雙行纜。何處無一丘。

明發五峰寺

歸時路何近。去時路何遠。山路無短長。人心有往返。每因
赴官期。一出謁鄉縣。若非人事牽。無奈老身懶。初心作此
行。夜雨醒醉眼。孤愁念羣騶。尺泥滑雙跡。首塗天全濕。回
轍雲半捲。投寺借松牀。呼僧同野飯。頽然挂眠足。得此行
役倦。暫勞新不堪。遐征舊所歎。松菊豈不懷。樊籠何時免。
瘦藤要覓閒。到了古道院。

初入筠州界高岡鋪

千尺霜松夾道周。國初涼鐵至今留。筠州舊是朝天路。六

十年來行信州

路入號夾道松為涼繼樹

五

和尤延之見戲觸藩之韻以寄

儂愛山行君水遊。尊前風味獨宜秋。文戈却日玉無價。器
寶羅罇金欲流。欵嗟清圓談者詘。詩章精悍古人羞。子房
莫笑身三尺。會看功成自擇留。
延之戲誠齋為羊誠齋戲
延之為蚌蟾詩所云云謂
蚌蟾也

讀退之李花詩

桃李歲歲同時並開而退之有花不見桃惟見李之句
殊不可解因晚登碧落堂望隔江桃皆暗而李獨明乃
悟其妙蓋炫晝縞夜云

近紅暮看失燕脂。遠白宵明雪色奇。花不見矣惟見李。一
生不曉退之詩

郡圃曉步因登披仙閣

昨來風日較暄些。破曉來遊特地佳。也自低頭花下過。依
前撞落一頭花。
李花半落雪成堆。未後桃花陸續開。白錦地衣紅錦帳。侵
晨供張等儂來。

初夏玉井亭晚立

冶蕊倡花一雨空。鮮晴新漲未虧儂。竹兼樹影眠天底。人
凭欄干立鏡中。看盡水衣投北岸。方知今日是南風。黃鸝
對語無尋處。忽見雙飛入別叢。

筠庵

故老談李仙。昔日上寥廓。隨身無長物。止跨一隻鶴。鶴本
非胎生。古卵尚遺壳。千年石似堅。覆在鳳山脚。寒宵晦風

雨神光照岩窟。犬嗅鷄夜鳴。龍泣人寢愕。祇今筠菴是因
物非繩削。當時拖破處。作門不關鑰。蓋以一把茅。聊以護
霜雪。遐瞻如釣翁。簑衣逐層着。我來驗幽詩。尚疑俗諺謔。
霧中披羽衣。砌下脫芒屨。入戶環仰觀。中空生響諾。不見
朱頂雞。猶存雪色膜。松梢雙老鶴。戛然下簷角。老夫忽心
驚。不敢小盤礴。

新暑追涼

去歲衝炎橫大江。今年度暑卧筠陽。滿園無數好亭子。一
夏不知何許涼。待得老夫親勘當。更招幽鳥細商量。朝慵
午倦誰相伴。猶枕桃笙苦竹牀。

碧落堂暮景輓轡體

碧落堂中夕眺餘。一聲角裏裂晴虛。滿城煙靄忽然合。隔

水人家恰似無。坐看荷山沉半脊。急歸道院了殘書。意行
花底尋燈處。失脚偏嗔小吏扶。

雨過郡圃行散

劍池一日百週遭。雨後閑來照鬢毛。主管園林營稱意。巡
行荷芰覽宣勞。不須見我還飛去。便與移文告汝曹。一事
惱人無問處。南山高是北山高。

碧落堂晚望荷山

荷山非不高。城裏自不見。一登碧落堂。山色正對面。如人
臥平地。躍起立天半。指揮出伏兵。萬騎橫隔岸。後乘來未
已。前驅瞻已遠。晨光到岩窟。人物俱猜絢。綠屏紛開閣。翠
旗閃舒卷。安得垂天虹。橋虛度雲巘。老鈴偶報事。郡庭集
賓贊。贊政化行也。怒怒換山中。默默下林坂。

午憩筠菴

筠菴偶坐處。適當樹闕間。遠山不見我。而我見遠山。清風隔江來。宛轉入松關。翠萐自搖扇。白羽得暫閑。可憐三竹林。睡徧復循環。秋暑自秋暑。山寒自山寒。小吟聊適意。好惡不必刪。

答陸務觀道院佛祖之戲

老禪分得破。叢林薄供微。齋也不曾道。院勅差權院事。筠菴身是住菴僧。人間赤日方如火。松下清風獨似冰。別有莫春沂水在。為君一滴洒千燈。

延之寄詩覓道院集遣騎送呈和韻謝之

與君鬢髮總星星。詩句輸君老更成。別去多時頻夢見。夜來一雨又秋生。故人金石精猶在。贈我瓊瑤雪似清。誰把

尤楊語同日。不教李杜獨齊名。

祇召還京題江西道院

病身祇要早投閒。乞得高安政小安。山水秋來渾是畫。樓臺高處日生寒。登臨未足還辭去。老大重來畢竟難。碧落翠微好將息。清風明月夢中看。

郡圃鳳山佳處有碧落堂翠微臺

問途有日戲題郡圃

今朝郡圃放遊人。懶惱遊人作撻春。到得老夫來散策。亂吹花片總成塵。商量歲後牢關鎖。拘管風光屬病身。造物嗔儂先遣去。遣儂儂去不須嗔。

雷題筠菴以菴室用茅蓋層出如簑衣然

茂林脩竹翠光中。那得披簑一老翁。白石砌成珠子徑。黃茅裹却水晶宮。夏涼冬暖非人境。雪打霜封即釣蓬。老子

明朝便東去。更攜瓦枕享松風。

明發道經生米市。隨喜西林寺。畱題進退格。

貪睡能無起。挑燈強未殘。春聲忙野店。月色淡柴門。又踏黃塵路。前追紅葉村。秋衣那敢薄。病骨自難溫。

羲娥謠

中秋夜宿辟邪市。詰朝早起。曉星已上。日欲出而月未落。光景萬變。蓋天下奇觀也。作羲娥謠以記之。

羲和夢破欲起行。紫金畢逋啼一聲。聲從天上落。入世千村萬落。鷄爭鳴。素娥西征未歸去。簸弄銀盤。浣風露。一丸玉彈東飛來。打落桂枝雪毛兔。誰將紅錦幕。半天赤光絳氣貫山川。須臾却駕丹砂轂。推上寒空。輾蒼玉。一本此下有雲漢昭

小憇上坊鎮新店進退格

下轎行新店。排門得小軒。中間一棊几。相對兩蒲團。椽竹青畱節。簷茅白帶根。明窓有遺恨。接處紙痕斑。

題十里塘夜景

物色當私半。登臨更夜闌。山光倒眠水。水影上搖山。宿鷺都飛去。漁人獨未還。老夫與明月。分割一清灣。

過土篔岡

水落初宜菜。亭荒不復茅。牛分叉路口。鶴立禿松梢。秋熟方昇日。朝涼更迥郊。衰年走塵鞅。何計返雲巢。

入玉山七里頭

諸村不雨數旬餘。此地瀕江萬寶蘇。晚紫豆花初總角。早黃稻穗已長須。回頭金步野蹊遠。當面玉山秋壘孤。偶見

年時解船處。客愁依舊挂菰蒲。筠洪小路至餘千金步市初出官給路

宿查瀨

寒流一帶檻前橫。落日諸峰霞外明。水斷新洲添五里。客尋舊路却重行。江車自轉非人踏。沙碓長春徹夜鳴。疇昔穉桑今秃樹。如何白髮不教生。

晨炊泊楊村

沙步未多遠。里名還異原。對江穿野店。各路入溪村。秋水乘新汲。春芽煮不渾。舟中爭上岸。竹裏有清樽。

九月一日夜宿盈川市

下灘一日抵三程。到得盈川也發更。兩岸漁樵稍燈火。滿江風露更波聲。病身只合山間老。半世長懷客裏情。西畔天星如玉李。伴人不睡向人明。

下橫山灘望金華山

篙師只管信船流。不作前灘水石謀。却被驚湍旋三轉。倒將船尾作船頭。山息江情不負伊。雨姿晴態摠成奇。閉門覓句非詩法。只是征行自有詩。

出橫山江口

白壁當江岸。青旗定酒家。斷崖侵屋窄。細路入門斜。縣近瞻雙塔。洲橫隔一沙。何須後來客。始信此詩嘉。

過橫山埭下

隔岸山迎我。沿江柳拜人。日搖秋水面。波閃白龍鱗。不道船迷路。俱從埭間津。一生將玉鏡。千古照金身。過鳥石大小。二浪灘俗呼為郎。因戲作竹枝歌二首。

灘聲十里響千聲。躍雪跳霜入眼奇。記得年時上灘苦。如今也有下灘時。

小郎灘下大郎灘。伯仲分司水府關。誰為行媒教作贅。小姑山與大姑山。

晚過側溪山下

看山妙處幾曾知。落照斜明始覺奇。皺盡衣裳紋欲裂。爭先頭角遠相追。松梢別放六峰出。江底倒將千嶂垂。路詩篇渾漫興。側溪端的不相虧。

夜宿東渚放歌

看山須看山表裏。不然看山還誤事。平時只愛萬峰青。落日惟存數尖紫。浙江船上多少人。往來看山誰識真。丁寧舟人莫泄語。恐兒輩不肯去。

跋徐公仲省翰近詩

傳派傳宗我替羞。作家各自一風流。黃陳籬下休安脚。陶謝行前更出頭。

自跋江西道院集戲答客問

問我來朝南內南。便從花底趁朝參。新詩猶作江西集。為帶筠州刺史銜。時召命筠州守臣奏事

舟中新暑止酒

新暑酒不宜。作熱妨夜睡。不如看人飲。亦自有醉意。彼飲吾為嚙。所美過於味。同舟笑吾癡。吾不羨渠醉。安知醉與醒。誰似誰不似。一作是

過弋陽觀競渡

急鼓繁鉦動地呼。碧琉璃上兩龍趨。一聲翻倒馮夷國。千

載淒涼楚大夫。銀椀錦標夸勝捷。畫橈繡臂照江湖。三年端午真虛過。奇觀初逢慰道塗。

五月一日過貴溪舟中苦熱

半月陰涼天氣佳。今朝新暑不饒些。一生怕熱長逢熱。千里還家未到家。入却船來那得出。恰方日午幾時斜。勸君莫愛高官職。行路難時却怨嗟。

端午前一日阻風鄱陽湖觀競渡

惡風夜半阻歸船。端欲畱人作勝緣。千里攜家觀競渡。五湖新漲政黏天。掉翻波浪山如雪。醉殺兒郎喜欲顛。得去更佳畱亦好。吾曹何處不忻然。

送吉州太守朱子淵造朝

公在鄉邦我在京。有書終不慰生平。西歸一見還傾蓋。夜坐相看話短檠。老去可堪頻送客。古來作惡是離情。雲涯隔斷從今始。肯倩征鴻訪死生。

郡圃上巳

尋春不見只思還。却在萊仙小崦間。映出一川桃李好。只消外面矮青山。

披仙閣上觀酴醾

仰架遙看時見些。登樓下瞰脫然佳。酴醾蝴蝶渾無辨。飛去方知不是花。酴醾約我早來看。及至來看花已殘。動地寒風君莫住。亂吹香雪灑關干。

醵荷池水

雨中來看醵池塘。自與畦丁細校量。更放水痕高幾許。浮

荷猶剩若干長

筠菴午憩

筠菴稍不至。一至一回好。風從林梢落。吹亂竹根草。巾屨上下涼。鶯鶻左右噪。市聲元不近。靜聽遠亦到。石磴坐來溫。蘇徑淨如掃。書空作愁字。已忘偏旁了。猶自忘了愁。而况記得老。客來談世事。欲笑還癩笑。

玉井亭觀荷

葉仙初出波。照日輝猶怯。密排碧羅蓋。低護紅玉頰。館之水精宮。瓌以琉璃堞。珠明浮盤戲。酒漾流杯躡。青筆尖欲試。綠牋皺還摺。老龜大於錢。辛勤上團葉。忽聞人履聲。入水一何捷。

後圃散策

花徑雨後涼。樹聲風外戰。杖屨以輕鬆。兒女同行散。少者前已失。老者後仍倦。隔林吹笑語。相聞如對面。明明去人近。眇眇彌步遠。松杉滿地影。一瞬忽不見。仰觀紫日輪。偶度白雲片。佳處畱再來。前山未須徧。

觀迎神小兒社

花帽銖來重。綃裳水樣秋。強行終較癩。妍唱却成羞。鸚鵡栖葱指。芙蓉戴錦舟。休看小兒社。只益老人愁。

新秋晚酌

胡床東鄉坐。秋風忽淒其。老夫衰病骨。急令閉東扉。西扉亦半掩。壓風作東吹。何必風及我。風入涼自馳。晚蟬是誰說。我飲渠便知。飛從何方來。徑集庭樹枝。三嘆復九詠。話盡新秋悲。我老悲已忘。汝語復為誰。老烏啼一聲。不知蟬

所之。

題碧落堂

仙人白日上青冥。千載如聞月下笙。南北萬山俱在下。中間一水獨穿城。江西箇是絕奇處。天下幾多虛得名。滕閣孤臺非不好。祇緣猶帶市朝聲。

羅溪望夫嶺

小憩村店問嶺名。云望夫。七娘歲旱禱雨必應。藁砧不寄大刀頭。化作峰頭石也愁。豈有心情管風雨。向人彈淚繞天流。

羅溪道中

每歲秋猶熱。今年閏故涼。松稀青有數。山遠碧無常。陣陣金風細。家家玉粒香。祇言官路短。堠子暗添長。

秋山

烏臼平生老染工。錯將鐵皁作猩紅。小楓一夜偷天酒。却倩孤松揜醉容。

觀水歎二首

我方卧舟中。仰讀淵明詩。忽聞灘聲急。起視惟恐遲。八月濺飛雪。清覽良獨奇。好風從天來。倏然吹我衣。涼生固足樂。氣變亦可悲。眷然慨此水。念我年少時。迄今四十年。往來幾東西。此日順流下。何日沂流歸。出處未可必。一笑姑置之。

亂石厄江水。要使水無路。不知石愈密。激得水彌怒。回鋒打別港。勇往遮不住。我舟歷諸灘。閱盡水態度。一聞一喜觀。屢過屢驚顧。不是見不多。觀覽不足故。舟人笑我癡。癡

點未易語。

舟過柴步寺

野寺隔疎樾。遠舟見殘殿。獨逕通絕崖。長縈度微線。曩遊
攜童弱。攀岸已震眩。前瞻足未到。下窺意先轉。朝來經雲
根。塵息起清美。野夫三二輩。走過疾于箭。俛仰二十年。吟
老懷昔健。

宿蘭溪水驛前三首

繫纜蘭溪岸。開襟柳驛窻。人爭趨夜市。月自落秋江。燈火
疎還密。帆檣隻更雙。平生經此縣。今夕駐孤幃。
合眼波吹枕。開篷月入船。奇哉一江水。寫此二更天。剩欲
酬清賞。翻愁敗醉眠。今宵懷昨夕。雨卧萬峰前。
水色秋逾白。山光夜不青。一。畫天月。萬粟種江星。小酌

居然醉。當風不覺醒。誰家教兒子。清誦隔疎櫺。

過白沙竹枝歌

東沿西泝浙江津。去去來來暮復晨。上岸牽檣推穉子。隔
船招手認鄉人。

朝天續集鈔

和陸務觀見和歸館之韵

君詩如精金入手知價重。鑄作鼎及鼐所向一中。我如
 駑並驥夷塗不應共。難追紫蛇電徒掣青絲鞵。折膠偶投
 漆異榻豈同夢。不知清廟茅可望明堂棟。平生憐坡老高
 眼薄蕭統渠若有猗那心。守師晉宋破琴聊再行。新笛正
 三弄。因君發狂言。湖山春已動。

讀笠澤叢書

笠澤詩名千載香。一回一讀斷人腸。晚唐異味同誰賞。近
 日詩人輕晚唐。
 松江縣尹送圖經。中有唐詩喜不勝。看到燈青仍火冷。雙
 眸如割脚如水。

拈着唐詩廢晚餐。傍人笑我病如癲。世間尤物言西子。西子何曾直一錢。

五更過無錫縣寄懷范參政尤侍郎

蘇州欲見石湖老。到得蘇州發更早。錫山欲見尤梁溪。過却錫山元不知。起來雪巖在何許。回首惠山亦何處。人生萬事不可期。快然却向常州去。

晚風

晚日暗溫稍霽威。晚風豪橫大相欺。做寒做冷何須怒。明早一霜誰不知。晚風不許鑑清漪。却許重簾倒地垂。平野無山遮落日。西窗紅到月來時。

題連滄觀呈太守張幾冲

開窓納盡大江秋。天半飛樓不是樓。獨立南徐鼇絕頂。下臨北固虎回頭。蒜山舊址空黃鶴。瓜步新城照白鷗。好事主人酌詩客。風煙一眼到揚州。

丹陽舍舟登陸渡江

小泊樓船鐵甕城。匆匆又作絕江行。看他蠟燭幾回剪。聽盡鷄聲不肖明。水底霜寒還十倍。夜來月上恰三更。篙師好事君知否。江面侵晨鏡樣平。

舟過楊子橋遠望

此日淮塹號北邊。舊時南服紀淮壖。平蕪盡處渾無壁。遠樹梢便是天。今古戰場誰勝負。華險要豈山川。六朝未可輕嘲謗。王謝諸賢不偶然。

過高郵

解纜維揚欲夕陽。過船覆盎已晨光。夾河漁屋都編荻。背日船篷尚滿霜。城外城中四通水。隄南隄北萬垂楊。一州斗大君休笑。國士秦郎此故鄉。

初食淮白魚

淮白須將淮水煮。江南水煮正相違。霜吹柳葉都落。喫雪花方解肥。醉臥糟丘名不惡。下來鹽豉味全非。饕人且莫供羊酪。更買銀刀二尺圍。淮人云白魚食雪乃肥。

初入淮河四絕句

船離洪澤岸頭沙。人到淮河意不佳。何必桑乾方是遠。中流以北即天涯。

劉岳張韓宣國威。趙張二將築皇基。長淮咫尺分南北。淚濕秋風欲怨誰。

兩岸舟船各背馳。波痕交涉亦難爲。只餘鷗鷺無拘管。北去南來自在飛。

中原父老莫空談。逢着王人訴不堪。却是歸鴻不能語。一年一渡到江南。

題盱眙軍東南第一山

建隆家業大于天。慶曆春風一萬年。廊廟謀謨出童蔡。笑談京洛博幽燕。白溝舊在鴻溝外。易水今移淮水前。川后年來世情了。一波分護兩涯船。

初食太原生蒲萄時十二月二日

淮南蒲萄八月酸。只可生喫不可乾。淮北蒲萄十月熟。縱可作羓也無肉。老夫臘裏來都梁。飮坐那得馬乳香。分明猶帶龍鬚在。徑寸玄珠肥十倍。太原清霜熬絳飴。甘露東

作紫水精降冬壓架無人摘。雪打冰封不曾拆。風吹日炙
不曾腊。玉盤一朵直萬錢。與渠傾蓋真忘年。君不見道逢
麴車口流涎。

與長孺共讀東坡詩。前用唐律。後用進退格。

急性平生不少徐。讀書不喜喜觀書。十行俱下承心醉。兩
目頓昏還月餘。偶與兒曹緝故紙。共看詩句煮春蔬。問來
却是東坡集。久別相逢味勝初。
枉着平生讀少書。分明便是蠹書魚。萬籤過眼還休去。一
字經心恰似無。急讀何如徐讀妙。共看更勝獨看渠。麴生
冷笑仍相勸。惜取殘零亂句鬚。

嘲淮風進退格

絮帽貂裘莫出船。北窗最緊且深關。顛風無賴知何故。做
雪不成空自寒。不去掃青天。北霧只來捲起浪頭山。便能
吹倒僧伽塔。未直先生一笑看。

雨作抵暮復晴

細雨如塵復似烟。兩淮渡口各收船。南商北賈俱星散。古
廟無人燒紙錢。

前苦寒歌

四大海潮打清淮。三萬里風平地來。龜山橫身攔不住。潮
波怒飛風倒回。欲晴不晴雪不雪。併作苦寒東人絕。古寺
大鐘十字裂。東山石崖一峰懸。勸君莫出君須出。冰脫君
髯折若骨。

後苦寒歌

白鷗立雪歷透冷。鷓鴣避風飛不正。一雙野鴨欺晚寒。出

沒水河底心性。絕憐紅船黃帽郎。綠簑青蒻牽牙檣。生愁
墮指脫兩耳。蘆花亦無何許藏。遣騎前頭買乾菽。速烘煇
火與一炙。三足老鴉不肯出。看雲訴天天不泣。

雪小霽。順風過謝陽湖。

都梁三日雪沒屋。小船行水如行陸。山陽一朝帆遇風。大
船行水如行空。昨來牽夫凍得泣。買蘆燎衣蘆自濕。朝來
牽夫皆上船。收纜脫巾蓬底眠。樓船忽然生兩翼。橫飛直
過陽侯國。十村抹片子時。四岸人家眼中失。似聞咫尺
是揚州。更數寶應兼高郵。青天萬里當徑度。不堪回首都
梁路。

竹枝歌有序。

晚發丹陽館。五更至丹陽縣。舟人與牽夫。終夕有聲蓋。

吟謳嘯諱。以相其勞者。其辭亦略可辨。有云張哥哥李
哥哥。大家着力一齊拖。又云一休休二休休。月子彎彎
照幾州。其聲淒婉。一唱眾和。因繫括之。爲竹枝云。

吳儂一隊好兒郎。只要船行不要忙。着力大家齊一拽。前
頭管取到丹陽。

莫笑樓船不解行。識儂號令聽儂聲。一人唱了千人和。又
得蹉前五里程。

船頭更鼓恰三槌。底事荒鷄早箇啼。戲學當年度關客。且
圖一笑過前溪。

岸旁燎火莫闌成。須念兒郎手脚寒。更把綠荷包熱飯。前
頭不怕上高灘。

月子彎彎照幾州。幾家歡樂幾家愁。愁殺人來關月事。得

休休處且休休。
幸自通宵暖更晴。何勞細雨送殘更。知儂笠漏芒鞋破。須遣泥帶水行。

垂虹亭看打魚斫鱸

橋柱疎疎四寂然。亭前突出小魚船。一聲磔磔鳴榔起。驚出銀刀躍玉泉。
六隻輕舸攪四旁。兩船不動水中央。剝絲一撒還空舉。笑得倚欄人斷腸。

過太湖石塘二首

每過松江得偉觀。玻璃盆底飢乾坤。天邊島嶼空無際。烟外人家澹有痕。笠澤古今多浪士。包山近遠在何村。季鷹魯望何曾死。雪是衣裳月是魂。

兀坐船中只欲眠。不如船外看山川。松江是物皆詩料。蘭槳穿湖卽水仙。將取垂虹亭上景。都歸却月觀中篇。正緣王事游方外。鑿齒彌天未當賢。

過八尺遇雨

垂虹登了劣歸船。又復毛空暗水天。節裏無多好天色。闌風長去聲雨餞殘年。

去年今日鳳山頭。兒女團欒爭勸酬。不及松江烟雨裏。獨搔華髮一扁舟。

過平望

豈但湖天好。諸村總可人。麥苗染不就。茅屋畫來真。行止隨緣着。江山到處新。十年三過此。贏得髻如銀。
行得三吳徧。清漪最是蘇。樹圍平野合。水隔別村孤。震澤

非塵世。松陵是畫圖。更添一詩老。載雪過重湖。
小麥田田種。垂楊岸岸栽。風從平望住。雨傍下塘來。亂港
交穿市。高橋過得桅。誰言破書筴。擔取太湖回。

秀州嘉興館拜賜春幡勝

中使傳宣下紫宸。鏃頭濃染御香雲。綵幡耐夏宜春字。寶
勝連環曲水紋。癡似土牛鞭不動。老登金馬媿無聞。強簪
華髮知難稱。只有新詩頌萬分。

幡勝用鏃頭紙貼

大兒長孺赴零陵簿示以雜言

長孺舊名仁壽

好官易得忙不得。好人難做須着力。汝要作好官。令公書
考不可鑽。借令巧鑽得。遺臭千載心爲寒。汝要作好人。東
家也是橫目民。選官無逸處。却與天地長青春。老夫今年
六十四。大兒壯歲初筮仕。先人門戶冷如水。豈不願汝取
高位。高位莫愛果。愛了高位失丈夫。老夫老則老。官職不
要討。白頭官裏捉出來。生愁無面見草萊。老夫不足學聖賢。
有前作譬如着棋着到國手時。國手頭上猶更儘有着。

正月五日以送伴借官侍宴集英殿十口號

殿下鞭聲再掣雷。玉皇徐下九天來。陰晴不定朝來定。五
色祥雲霍地開。

一點班行朝漢天。英符來自玉門關。舊時千歲琵琶語。新
學三聲萬歲山。

金鬘後倪立玉臺。雙瞻御坐首都回。水沉山麝薔薇露。漱
作香雲噴出來。

千官拜舞仰虛皇。奉上瑤池萬壽觴。殿上雙傳送御酒。檻
前一曲繞虹梁。

詞苑卷之九
大極香闌萬物新。紹熙天子燕羣臣。梨園好語君須聽。玉曆初頒第一春。詞臣倪玉甫撰致語口號云。玉曆初頒第一春。

已賜儀鸞錦坐蒲。起來再立聽傳臚。君王欲勸羣臣酒。宣示天杯一滴無。

猛七緣竿亦壯哉。踏空舞瀾四徘徊。一聲白雨催花鼓。二竿頭揔下來。

賜花新剪茜香羅。綦綳烏紗未覺多。花重紗輕人更老。擗頭不起奈春何。

廣場妙戲鬪程林。纔得天顏一笑開。角觝罷時還罷宴。卷班出殿戴花回。

賀老如何尾從班。真官也作假官看。君王恩重無真假。賜酒何曾味雨般。

汨舟臨平

前窓向市下却簾。後窓臨水開却門。岸頭楊柳報春動。溪底雲天隨浪翻。隔溪數間黃草屋。繞屋千竿翠瓊竹。三老鳴鉦檣拖樓。今宵又向臨平宿。

謝王恭父贈梁杲墨

君不見蜀人文字天下工。前有相如後楊雄。君不見蜀人烏丸天下妙。前有蒲韶後梁杲。初得梁墨竊摹糊。老夫道梁不及蒲。蓬山藏室王校書。笑我未識真玄菟。兩圭水蒼笏。雙團點漆壁。一併贈老夫。此意已金石。洮州綠玉試松花。星潭黑雲走風沙。龍蛇起陸鷹入骨。却愁雷電奪神物。

過臨平蓮蕩

蓮蕩層層鏡樣方。春來嫩玉斬新黃。角頭一一張蘆箔。不

道魚蝦過別塘

運蕩中央劣露沙。上頭更着野人家。籬邊隨處插垂柳。簷

下小船繫釣車。

朝來採藕夕來魚。水種菱荷岸種蘆。寒浪落時分作蕩。新

流漲後合成湖。

人家星散水中央。十里芹羹菰飯香。想得薰風端午後。荷

花世界柳絲鄉。

麥

無邊綠錦織雲機。全幅青羅作地衣。此是農家真富貴。雪

花銷盡麥苗肥。

春菜

雪白蘆葍非蘆葍。喫來自是辣底玉。花葉蔓青非蔓青。喫

來自是甜底冰。三館宰夫傳食籍。野人蔬譜渠不識。用醯

不用酸。用鹽不用醃。鹽醢之外別有味。薑芽棧子仍相參。

不甑亦不釜。非蒸亦非煮。壞盡蔬中腴。乃以烟火故。霜根

雪菜細縷來。蕤瓶夕暮明。朝開貴人我。知不官樣肉。食我

知無骨相。祇合南溪嚼菜根。一尊徑醉溪中雲。此詩莫讀

恐黷殺。要讀此詩先提舌。提一作捉

過平望

望中不着一山遮。四顧平田接水涯。柳樹行中分港汊。竹

林多處聚人家。風將春色歸沙草。天放晴光入浪花。午睡

起來情緒惡。急呼蟹眼瀹龍芽。

月夜阻風泊舟太湖石塘南頭

動地顛風政打頭。吳江未到且維舟。五湖波起眾山動。一

片月明千里愁。且更放遲些子。睡看他盛怒幾時休。陽侯要與詩人敵。未必詩人輸一籌。

過湖未得匹如閑。何幸湖心泊畫船。宇宙中間都是月。波濤外面更無天。誰知造物將奇觀。不與儉人付謫仙。山領

渠儂無一物。鏤冰剪雪作新篇。

新年乘興看春風。來過乘虹東復東。誰有功夫寒夜底。獨

尋水月五湖中。今宵頓覺乾坤大。下筆惟愁造化窮。太白

青山謝公海。可憐一笑偶然同。

姑蘇館上元前一夕。陪使客觀燈之集。

節物催人又一年。銀花蓮炬照金尊。麝鎚官樣陪公讌。粉

繭鄉風憶故園。何似兒孫談草草。不妨燈火半昏昏。人生

行止誰能料。今夕蘇州看上元。盧陵之僚元夕粉米為繭

至洪澤

今宵合過山陽驛。泊船問來是洪澤。都梁到此只一程。却

費一宵兼兩日。政緣夜來到濱頭。打頭風起浪不休。舟人

相賀已入港。不怕淮河更風浪。老夫搖手且低聲。驚心猶

恐淮神聽。平急呼津吏催開閘。津吏叉手不敢答。早潮已

落水入淮。晚潮未來閘不開。細問晚潮何時來。更待玉蟲

綴金釵。

過磨盤得風掛帆

兩岸黃旗小隊兵。新晴歸路馬蹄輕。全番長笛橫腰鼓。一

曲春風出塞聲。鵲噪鴉啼俱喜色。船輕風順更兼程。却思

兩目淮河浪。心悸魂驚尚未平。

過楚州新野城

已近山陽望漸寬。湖光百里見千村。人家四面皆臨水。柳樹雙垂便是門。全盛向來元孔道。雜耕今是一雄藩。金湯再葺真長策。此外猶須子細論。

過寶應縣新開湖

漁家可是壓塵囂。結屋圓沙最盡稍。外面更栽楊柳樹。上頭無數鷺鷥巢。

雨裏樓船卽釣磯。碧雲便是綠蓑衣。滄波萬頃平如鏡。一隻鷗鷺貼水飛。

天上雲烟壓水來。湖中波浪打雲回。中間不是平林樹。水色天容拆不開。

五湖佳處是荒寒。却爲無山水更寬。歸去江南無此景。未

須吃飯且來看。

過九里亭

水渚纔容足。漁家便架椽。屋檐些子地。簾外不勝天。岸岸皆垂柳。門門一釣船。五湖好風月。乞去聲與不論錢。

再賦石翁石婆

石翁誰怒猶睥目。石婆多愁鬢先禿。荒山野水四無人。二老對立今幾春。珠襦玉匣化爲土。金雁銀鳧亦飛去。知是六朝何帝陵。摩娑碧蘚俱無語。

觀張功父南湖海棠杖藜走筆

看盡都城種海棠。只將一徑引教長。約齋妙出春風手。人在中央花四傍。

天工信手洒明霞。若遣停勻未必佳。却得數株多葉底。殷

勤觀出客邊花

走筆謝張功父送似醪醖

西湖野僧夸藏冰。半年化作真水精。南湖詩人笑渠拙。不
如儂家解乾雪。藏冰窖子山之幽。鏡透九地山鬼愁。儂家
藏雪有妙手。分明曬在翡翠樓。向來吳二拉滕六。玉妃夜
投玉川屋。剪冰作花吹朔風。揉雲爲粉散寒空。醉揮兩袖
拂銀漢。稍頭萬斛冷不融。瓊田擊月拾翠羽。砌成重樓天
半許。盤作青蛟吐綠霧。亂飄六出薰沉疴。人間雪脆那可
藏。天上雪落何曾香。三月盡頭四月首。南湖香雪今誰有。
分似誠齋老詩叟。碎接玉花泛春酒。一飲一石更五斗。

記丘宗卿語紹興府學前景

鏡湖洋宮轉街曲。纔隔清溪便無俗。竹橋斜度透竹門。墻
根一竿半竿竹。恰思是間宜看梅。忽然一枝橫出來。霜幹
皴裂臂來大。只着寒花三四箇。

贈寫真水鑑處士王溫叔

我不如森森千丈松。我不如濯濯春月柳。髯疎髻秃已雪
霜。皮皴肉皴真老醜。葉生畫時顏尚朱。王生畫時骨更臞。
一主愛山吟不就。兩肩化作秋山瘦。君不見褒公鄂公圖
凌烟。腰間羽箭大如椽。君不見浣花醉圖粉墨落。日斜泥
滑驢失脚。貴人寒士兩相唾。畫圖猶在人已非。王生王生
且停手。不如生前一杯酒。

銜命郊勞使客船過崇德縣

岸樹低欹一雪餘。枝頭半葉已全無。油窻過盡千梢影。濃
處還濃枯處枯。

望多稼亭

遙望城頭多稼亭。亭邊霜檜老更青。當年老守攜穉子。芒
鞋葵扇繞城行。臘前移梅春插柳。蹋雪衝泥不停手。柳未
成陰梅未花。著帽又迎新太守。後來新守復迎新。到今新
舊知幾人。向來手植今在否。寄與此詩聊問春。

舟中追和張功父賀赴召之句

兩歲千愁寡一欣。故人多問謝張君。又瞻東闕闕前月。只
負南溪溪上雲。賓日扶桑遭聖旦。客星釣瀨愧天文。人生
離合風前葉。聚首亡何復離羣。余所居里名南溪

又追和功父病起寄謝之韻

霜何曾傍繡簾寒。酒不能令客臉丹。勤向竹爐溫手脚。嬾
尋銅鏡整衣冠。無人孤坐月將落。擁鼻清吟夜向闌。忽憶

約齋詩債在。自吹燈火起來看。

曉過丹陽縣

風從船裏出。船前漲起簾幃紫。拂天點檢風來無處覓。破
窗一隙小於錢。

雞犬漁翁共一船。生涯都在簞篷間。小兒不耐初長日。自
織筠籃勝打閑。

過張王廟

地迥人煙寂。山盤水勢回。怪松欹岸出。古廟背河開。晚色
催征棹。斜陽戀去桅。丹徒誰道遠。一眺正悠哉。

湖天暮景

湖面黏天不見堤。湖心菱葑水周圍。暮鴻成陣鴉成隊。已
落還飛久未棲。

詞齋朝玉經身錄 十三
坐看西日落湖濱。不是山銜不是雲。寸寸低來忽全沒。分明入水只無痕。

抵暮漁郎初上舫。一竿搖入水精天。忍寒不睡妨底事。來早賣魚充酒錢。

瑀碎肝脾只坐詩。鬚髯成雪髯成絲。暮雲薄倖斜陽劣。合造清愁付阿誰。

斷腸浪說賀方回。未抵秦郎剪水才。欲向湖邊問遺唱。鴛鴦鸚鵡兩相催。

舟中不寐

醉去昏然卧綠窻。醒來一枕好淒涼。意中爲許無佳况。夢裏分明到故鄉。淮水打船千浪雪。燕鴻叫月滿天霜。山城更點心無準。偏到雞鳴分外長。

過淮陰縣題韓信廟

鴻溝祗道萬夫雄。雲夢何銷武士功。九死不分天下鼎。一生還負室前鍾。古來大斃愁無蓋。此後禽空悔作弓。兵火荒餘非舊廟。三間破屋兩株松。

雪曉舟中生火

烏銀見火生綠霧。便當水沉一濃炷。却因斷續更氤氳。散作霏微煖袍袴。須臾霧霽吐紅光。煙如雲表生扶桑。陽春和日曛滿室。蒼顏渥丹疑醉鄉。忽然火冷霧亦滅。只見紅爐堆白雪。窗外雪深三尺強。窗裏雪深一寸香。

烏銀玉質金石聲。見火忽學爆竹鳴。腦腦膊膊久不停。白日坐上飛繁星。不知何怒泄不平。不知何喜唧唧吟。待渠自靜勿與爭。功莫借箸怒復生。到渠緘口兩耳熱。銅瓶在

旁却饒舌。

題金山妙高臺

金山未到時。羨渠奄有萬里之長江。金山既到了。長江不見只見千步廊。老夫平生不奈事。點檢風光難可意。老僧覺我見睫眉。引入妙高臺上嬉。不知老僧有妙手。卷舒江山在懷袖。挂上西牕方丈間。長江浮在爐煙端。長江南邊千萬山。一時飛入兩眼寒。最愛簷前絕奇處。江心巉然景純墓。僧言道許乃浪傳。龍宮特書珠貝編。初云謝靈運。愛山如愛命。撥取天台雁蕩怪石頭。疊作假山立中流。又云王逸少。草聖入神妙。天賜瑠璃筆。格玉硯屏。仍將大江作陶泓。老夫聞二說。沉吟未能決。長年抵死催上船。徘徊欲云空茫然

桑疇

夾岸瀕河種穉桑。春風吹出萬條長。船行老眼渾多志。喚作西湖插拒霜。

竹林

珍重人家愛竹林。織籬辛苦護寒青。那知竹性元薄相。須要穿來籬外生。

賦金盤露椒花雨

吾家酒名敷腴者曰金盤露。芳烈者曰椒花雨。

金盤夜貯雲表露。椒花曉滴山間雨。一消不用鴨綠波。雙清釀出鵝黃乳。老妻知我憎官壺。還家小槽壓真珠。江西擔取來西湖。遣我醉倒不要扶。更攜數尊往淮上。要夸親舊藏家釀。祇堪獨酌不堪分。老夫猶要入修門。

岸柳

柳梢拂入溪雲陰。柳根插入溪水深。祇今立岸一敝帚。歸時弄日千黃金。人生榮謝亦如此。謝何足怨榮何喜。秋霜春雨自四時。老夫問柳柳不知。

松江曉晴

昨夜何緣不峭寒。今晨端要放晴天。窗間波日如樓上。簾外霜風似臘前。近水人家隨處好。上春物色不勝妍。歸時二月三吳路。桃杏香中慢過船。

泊平江百花洲

吳中好處是蘇州。却爲王程得勝遊。半世三江五湖棹。十年四泊百花洲。岸傍楊柳都相識。眼底雲山若見留。莫怨孤舟無定處。此身自是一孤州。

過新開湖

漁郎艇子入重湖。老眼殷勤看著渠。看去看來成怪事。化為獨雁立橫蘆。一鷗得得隔湖來。瞥見魚兒眼頓開。只爲水淡難立脚。翩然飛下却飛回。遠遠人煙點樹梢。船門一望一魂消。幾行埜鴨數聲雁。來爲湖天破寂寥。

瓦店雨作

斜風吹雨打船窗。一陣疎來一陣忙。聽作山齋聲點滴。不知作客在山陽。詩人長怨沒詩材。天遣斜風細雨來。領了詩材還又怨。問天風雨幾時開。

過淮陰縣

紫莫淮陰縣。人家草草中。秋籬緯春勝。茅屋學船蓬。今日非昨日。南風轉北風。霍然香霧散。放出一輪紅。

題沈子壽旁觀錄

逢著詩人沈竹齋。丁寧有口不須開。被渠譜入旁觀錄。四馬如何挽得回。

送吳敏叔待制侍郎

脚踏雞翹豹尾間。心飛碧岫白雲端。人看疎傅如圖畫。帝念嚴光返釣灘。玉殿松班唐次對。竹宮茅立漢祠官。自憐病鶴樊籠底。方羨冥鴻片影寒。

江東集鈔

題張以道上舍寒綠軒

菊芽伏土糝青粟。杞筭傷根埋紫玉。雷聲一夜雨一朝。森然送出如蕨苗。先生飢腸詩作梗。小摘珍芳汲水井。風爐蟹眼候松聲。眾離親撈微帶生。爛炊凋胡浙青精。筆以天隨寒綠萌。飢時作齋仍作羹。飽後龍鳳空魚烹。大官蒸羔壓花片。宰夫膈躡削瓊軟。豹胎熬出禍胎來。貴人有眼何曾見。天隨尚自有愁魔。愁杞作棘菊作莎。君不見黃金錢。照紅玉。豆秋高更覺風味多。先生釀金鍊紅玉。自莎自棘如子何。金空玉盡苗復出。喫苗喫花并喫實。天隨白眼屠沽兒。不到有人頭上立。

望姑蘇

曠野平中天四垂。凍雲隙裏日平西。水村人遠看來近。茅
屋簷長反作低。最愛河堤能底巧。截它山脚不勝齊。喜聞
借得姑蘇館。百尺高臺入杖藜。

辛亥元日。送張德茂自建康移帥江陵。

西湖一別忽三年。白首相從豈偶然。到得我來恰君去。正
當臘後與春前。醉餘犯雪追征帽。送了凭欄望去船。待把
衣冠挂神武。看渠勳業上凌煙。

金陵宮舍後圃散策。

江梅未落杏花繁。萱草都齊柳半勻。却是淺寒花較耐。東
風未要十分溫。

三月三日上忠襄墳因之行散得絕句

長干橋外卽烏衣。今著屠沽賣菜

宮猶碧草王

亭謝館儘黃鸝。

遊人不是上墳回。便是清湍禊事來。最苦相逢無處避。天
禧寺及雨花臺。

女唱兒歌去踏青。阿婆笑語伴渠行。只虧郎罷優輕殺。攔
子雙擔挈酒瓶。

紛搜孩兒活逼真。象生果子更時新。輸贏一擲渾閑事。空
手入城羞殺人。

除却鍾山與石城。六朝遺跡問難真。里名只道新名好。不
道新名悞後人。

切記尋春預作謀。教君行樂定成愁。老夫乘興翩然出。不
遣風知雨覺休。

海棠二首

小園不到負今晨。晚喚嬌紅伴老身。落日爭明那有暮。艷
妝一出更無春。樹間露坐看搖影。酒底花光併入脣。銀燭
不燒渠不睡。梢頭恰恰挂冰輪。
競豔嬌紅最是它。教人嫌少不嫌多。初酣曉日紅千滴。晚
笑東風淡一渦。自是花中無國色。非關格外占春窠。開時
豔與渠儂醉。却恨飄零可若何。

紅錦帶花

天女風梭織露機。碧絲地上茜纒枝。何曾繫住春歸脚。只
解縈長客恨眉。節節生花花點點。茸茸晒日日遲遲。後園
初夏無題目。小樹微芳也得詩。

送劉覺之歸蜀

余少時師事清純先生。雩都知縣朝奉劉世臣。世臣令

其子三人從余學。其季則覺之也。覺之流落大寧。監後
二十九年。復相見于金陵。爲留十日而別。贈之長句。
大江東西湖南北。鵲袍學子森如竹。何人開口不伊川。阿
誰初導此水源。清純先生劉夫子。冷笑俗儒鑽故紙。夢中
親見大小程。爲渠刺船入洙泗。嗟我結髮從先生。日日看
子趨鯉庭。先生命子却從我。小窗短檠共燈火。陋巷柴扉
共寒餓。安知頭上天幾大。子今行李寄大寧。翩然束書遊
帝城。袖中一卷經濟策。天關九虎叫不應。朝來忽見毛生
刺。看來看去更且喜。風花聚散三十年。何許飛墮老眼前。
相逢幾日又相別。珍重兩字不忍說。我有故山江之西。應
遣惠歸不遣歸。贈行聊借退之詩。石頭城下一杯酒。便是
此生長別離。

遊定林寺卽荆公讀書處

鍾山已在萬山深。更過鍾山入定林。穿盡松杉行盡石。一
菴猶隔白雲岑。

一箇青童一蹇驢。九年來往定林居。經綸枉被周公誤。相
罷歸來始讀書。

半破僧菴半補籬。舊題無復壁間詩。祇餘手植雙桐在。此
外仍兼洗硯池。

踏月敲門訪病夫。問來還是雪堂蘇。不知把燭高談許。曾
舉身臺詩帳無。

初夏卽事

今日風光定自佳。不寒不熱恰晴和。百年人世行樂耳。一
歲春歸奈老何。芍藥晚花終是小。戎葵新萼許來多。俸錢

自笑渾無用。祇合文江買釣蓑。

謝余處恭送七夕酒果蜜食化生兒

踉蹌兒孫忽滿庭。折荷騎竹臂春鸞。巧樓後夜迎牛女。雷
鑰今朝送化生。節物催人教老去。壺觴拜賜喜先傾。醉眠
管得銀河鵲。天上啼來打六更。子庚戊考試殿廬夜漏殺
五更之後復打一更問之
鷄人云宮漏有六更

新釀秦淮鴨綠坳。旋熬粬糗蜜蜂巢。來禽濃抹日半臉。水
藕初凝雪一梢。豈有天孫千度嫁。枉同河鼓兩相嘲。渠儂
有巧真堪乞。不倩蛛絲罥果肴。

中元前賀余處恭尚書禱雨沛然霑足

數點飄聲供晚晴。二更傾瀉到天明。雷驅雲氣如旋磨。雨
徧山村却入城。簞面頓無秋後暑。簷牙最愛夢中聲。尚書

幸有爲霖手。偏洒江東作麼生。

中元日午

雨餘赤日尚如炊。亭午青陰不肖移。蜂出無花絕糧道。蟻行有木過歸師。今朝道是中元節。天氣過於初伏時。小圃追涼還得熱。焚香清坐讀唐詩。

道傍權籬

夾路疎籬錦作堆。朝開暮落復朝開。抽心秬秠輕拖糝。近帶燕脂醃抹腮。占破半年猶道少。何曾一日不芳來。花中却是渠長命。換舊添新底用催。

方虛日斜再行宿烏山

多稼村村過。垂楊店店迎。偶然逢客子。問得好山名。投宿忻猶早。斜陽落更明。僕人休進扇。得似晚風清。

圩丁詞十解

江東水鄉隄河兩岸而田其中謂之圩。農家云圩者圍也。內以圍田。外以圍水。蓋河高而田反在水下。沿隄通斗門。每門疏港以溉田。故有豐年而無水患。余自溧水縣南一舍所登蒲塘河。小舟至鎮。水行十二里。備見水之曲折。上自池陽下至當塗。圩河皆通大江。而蒲塘河之下十里所有湖曰石臼。廣八十里。河入湖。湖入江。鄉有圩長。歲晏水落則集圩丁。日具土石。榘枝以脩圩。余因作詞以擬劉夢得竹枝柳枝之聲。以授圩丁之脩圩者。歌之以相其勞云。

圩田元是一平湖。憑仗兒郎築作圩。萬雉長城倩誰守。兩隄楊柳當防夫。

何代何人作此圩。石頭土膩鐵難如。年年二月桃花水。如律流歸石臼湖。

上通建德下當塗。千里江湖縹一圩。本是陽侯水精國。天公勅賜上農夫。

南望雙峰抹綠明。一峰起立一峰橫。不知圩裏田多少。直到峰根不見塍。

兩岸沿隄有水門。萬波隨吐復隨吞。君看紅蓼花邊脚。補去脩來無水痕。

年年圩長集圩丁。不要招呼自要行。萬杵一鳴千畚土。大呼高唱總齊聲。

兒郎辛苦莫呼天。一歲脩圩一歲眠。六七月頭無瀟雨。試登高處望圩田。

岸頭石板紫縱橫。不是脩圩是築城。傳語赫連莫蒸土。霸圖未必賽春耕。

河水還高港水低。千支萬派曲穿畦。斗門一閉君休笑。要看水從人指揮。

圩上人壺水上航。從頭點檢萬農桑。卽非使者秋行部。乃是圩翁曉按莊。

宿孔鎮觀雨中蛛絲

雨打蛛絲不打蛛。雨來蛛入畫簷隅。網羅滿腹輸渠巧。也只蠅蚊命屬渠。

雨罷蜘蛛却出簷。網絲少減再新添。莫言辛苦無功業。便有飛蟲密處粘。

網羅最巧是蛛絲。却被秋蚊聖得知。粘着便飛來不再蛛。

絲也解有疎時

發孔鎮晨炊漆橋道中紀行

斫地燒畬旋旋開。豆花麻莢更菘栽。荒山半寸無遺土。田
父何曾一飽來。行穿詰曲更崔嵬。野店柴門半未開。阜莢樹陰黃草屋。隔
籬犬吠出頭來。

山村

一搭山村一搭奇。不堪風物索新詩。稻花雪白糝柳絮。柘
子猩紅團荔枝。行者自愁居者樂。晴時節熟雨時泥。問知
桐汭多程在。未說宣城與貴池。歇處何妨更歇些。宿頭未到日頭斜。風煙綠水青山國。籬
落紫茄黃豆家。雨足一年生事了。我行三日去程賒。老夫
不是如今錯。初識陶泓計已差。

入建平界

溧水南頭接建平。丫頭兒子便勤耕。疎麻大豆已前輩。蕎
麥晚菘初後生。席卷千山爲一圍。天憐春種賜秋成。不如
老圃今真箇。樊子何曾透聖扁。

早炊董家店

長亭深處小亭奇。雜蘗籠糝亦有姿。羊角豆纏松葉架。鷄
冠花隔竹槍籬。不辭雨臥風餐裏。可惜橙黃橘綠時。行到
前頭楊柳邊。平分紅白兩蓮池。

過謝家灣

行盡牛蹊兔徑中。忽逢平野四連空。意隨白鷺一雙去。眼
過青山千萬重。近領已看看遠領。連峰不愛愛孤峰。一丘

一餐知何意。疎盡官人着牧童。

轎中看山

買山安得錢。有錢價不賤。住山如冠玉。人見我不見。世言
遊山好。一峰足雙繭。峰外復有峰。歷盡獨能徧。不如近看
山。近看不如遠。請山畧退步。容我與對面。我行山斫隨。我
住山樂伴。有酒與山飲。有藪分山餽。隔水絕荒寒。縈雲徧
倩絢。雨滋青彌濛。日炫紫還淺。端居忽飛動。遐逝卽回轉。
孤秀呈復逃。層尖隱還顯。撥入轎中來。置在几上玩。劣行
三兩驛。已閱百千變。非我去劣搜。皆渠來自獻。寄言有山
人。勿賣亦勿典。金多汝安用。價重山亦怨。估若爲我低。傷
廉又非願。山已在胷中。豈復有餘羨。羨心固無餘。更借山
一看。

早炊高店

過雨溪山十倍明。乍晴風日一番清。白鷗池沼菰蒲影。紅
棗村虛鷄犬聲。食肉坐曹良媿死。囊衣行步亦勞生。不堪
有七今成九。僮父年來老更僮。

午熱憇中義渡

秋陽噴我緊追程。急泊臨流一短亭。摘索風巾些子倦。蒼
蒨水枕霎時醒。單牌雙堠頭都白。萬壑千巖眼強青。不及
溪邊老亭父。一生臥護竹窗櫺。

道傍店

路傍野店兩三家。清曉無湯況有茶。道是渠儂不好事。青
甕瓶插紫薇花。

花果

野花山果絕芳馨。借問行人不識名。蜂蝶行糧猿鶴飯。生口分兩無爭。

宿池州齊山寺卽杜牧之九日登高處

我來秋浦正逢秋。夢裏重來似舊遊。風月不供詩酒債。江山長管古今愁。謫仙狂飲顛吟寺。小杜倡情冶息樓。問着州民渾不識。齊山依舊俯寒流。

齊山五洞其一曰妙峯峰下有山谷

池口移舟入江再泊十里頭潘家灣阻風不止

七風五日吹江練。江底吹翻作江面。大波一跳入天半。粉碎銀山成雪片。五日五更無停時。長江倒流都上西。計程一日二千里。今踰灤灑到峨眉。更吹兩日江必竭。却將海水來相接。老夫早知當陸行。錯斜一帆超十程。如今判却十程住。何策更與陽侯爭。水到峨眉無去處。下梢不到忘歸路。我到金陵水自東。只恐從此無南風。

舟中排悶

江流一直還一曲。淮山一起還一伏。江流不宥放人行。淮山只管畱人宿。老夫一出緣秋涼。半塗秋熱難禁當。却借樓船順流下。逆風五日殊未央。老夫平生行此世。不自爲政聽天地。只今未宥放歸程。安知天意非奇事。平生愛誦謫仙詩。百誦不熟良獨癡。舟中一日誦一首。誦得徧時應得歸。

丁家洲避風行小港出荻港大江

蓼岸藤灣隔盡人。大江小港繞成輪。圍蔬放荻不爭地。種柳堅堤非買春。匏瓠放教俱上屋。漁樵相倚自成隣。夜來更下西風雪。蕎麥稍頭萬玉塵。

菰籬蕭灑織來新。茅屋橫斜畫不真。乾土種禾那用水。中
有禾元濕蘆經火自成薪。所蘆卧地而島居莫笑三百里。
非田畝菜把活他千萬人。丁家洲湖三百里口白浪打天風動地。
何曾驚着一微塵。

江天暮景有歎

一鷺南飛道偶然。忽然百百復千千。江淮總屬天家管。不
肯營巢向北邊。

過宜福橋

水鄉澤國最輸農。無旱無乾只有豐。碧豆密爭桑蔭底。綠
荷雜出稻花中。是田是沼渾難辨。何地何村不同若遣
明年無種子。却愁閑殺雨和風。

宿峨橋化城寺

一溪秋水一橫橋。近路人家却作遙。柳遠溪邊荷遶屋。何
須更着酒旗招。
忽從平地上高城。乃是圩塘隄上行。厚賽柳神銷底物。長
腰雲子潤腰菱。

宿放牛亭秦太師墳菴

函關只有一穰侯。瀛館寧無再帝丘。天極八重心未死。台
星三點折方休。只看壁後新亭策。恐作移中屬國羞。今日
牛羊上丘壠。不知丞相更嗔不。
暮年起大獄必殺張德遠
劫邦衡等五十餘人不知
諸公殺盡將欲何為奏垂上而卒故有新亭之句然初節
似蘇子卿而晚謬

新酒歌

官酒可憎。老夫出家釀二缺。一曰桂子香。一曰清無底。
風味凜冽。歌以紀之。

酸酒蒸湯猶可嘗。甜酒蜜汁不可當。老夫出奇釀二缸。生民
以來無杜康。桂子香清無底。此米不是雲安米。此水祇是
建鄴水。甕頭一日遠數巡。自候酒熟不倩人。松槽葛囊纔
上榨。老夫脫帽先嘗新。初愁酒帶味。一杯徑到天地
外。忽然玉山倒甕邊。只覺劍鏃割腸裏。杜撰酒法不是儂。
此法來自太虛中。酒經一卷偶拾得。一洗萬古甜酒空。酒
徒若是嘗儂酒。先挽天河濯渠手。却來舉杯一中之。換若
仙骨君不知。

睡覺

小醉如無酒。寒宵似度年。覺來因記夢。醒去不成眠。萬事
從心下。三更到眼前。清愁政無那。一雁叫霜天。

至後睡覺

匆匆又過一陽生。睡恰濃時夢忽驚。簾幕深沉入四寂。階
除點滴雨三更。燈搖芒角開成暈。風吸窗櫺過後聲。不是
寒鷄寒似我。如何不肯喚天明。

宿金陵鎮棲隱寺望橫山

再見橫山滴眼新。山僧勸我脫官身。燈籠簫鼓村村社。酒
醞鶯花處處人。忽憶諸公牡丹會。轉頭五朶去年春。野雲
墟月空荒寺。兩袖寒風一帽塵。

明發棲隱寺

木魚一呼衆僧聚。老夫登車欲前去。仰頭見天俯見地。明
明是晝不是暮。如何今晨天地間。咄咄怪事滿眼前。將爲
是夜着。月輪已沒星都落。將爲是晝休。銀河到曉爛不收。
皎如江練橫天流。中流點綴金沙洲。元來海底早浴日。雲

師閉關不教出。羲和揮斧斫雲關。取將一道天光還。天光
淡青日光白。道是雲漢也則得。雲師強狠趕不奔。堆作沙
洲是碎雲。

寒食日晨炊姜家林初晨之次日也

百五佳晨匹似無。合教追節却離居。萬家寒食初啼燕。一
老春衫政蹇驢。老柳已僧何再髮。孺槐纔爪可遲梳。兒書
早問歸程日。不用填渠只笑渠。

午憩褚家坊春風亭

此老忒疎放。與春無怨思。何須寒食日。恰是別家時。荒店
兩三隻。野花千萬枝。前山有底恨。也學客顰眉。
莫道迎春好。迎春是送春。一條路。知老幾多人。坦綠
偏宜襪。飄紅并作綯。青帘好消息。今日榨頭新。

宿新市徐公店

春光都在柳梢頭。揀折長條插酒樓。便作在家寒食看。村
歌社舞更風流。

風花

海棠桃李雨中空。更看清明兩日風。風似病顛無緒。在花
如中酒不惺鬆。身行楚嶠遠更遠。家寄秦淮東復東。道是
殘紅何足惜。後來并恐沒殘紅。

過楊二渡

春迹無痕可得尋。不將詩眼看春心。鶯邊楊柳鷗邊草。一
日青來一日淡。

宿黃岡

我豈忘懷一畝居。誰令愛讀數行書。秋南春北雁相似。柳

思花情鶯不如上市魚蝦村店酒帶花秋芥晚春蔬長亭
一醉非難事造物相撩莫管渠

清明日午憇黃池鎮

莫笑孤村小市頭花邊人出浦邊遊綠楊拂水雙浮鴨碧
草粘天一落鷗嬾困風光酣午睡陰沉天氣嫁春愁阿誰
道是清明節我對清明喚作秋

桑茶坑道中

田塍莫道細于椽便是桑園與菜園嶺脚置錐畱結屋盡
驅柿栗上山巔

上山入屋上山鉏圖得生涯總近居桑眼未開先着樵麥
胎纔出便生鬚

秋疇夾岸隔淡溪東水何緣到得西溪面紙鋪橫一峴水
從空裏過如飛

蠶筵今歲十分強催得農家日夜忙已縛桁竿等新麥更
將了木撐欹桑

清明風日雨乾時草滿花隄水滿溪童子柳陰眠正着一
牛喫過柳陰西

山根一徑抱溪斜片地纔寬便數家漫插漫成隄上柳半
開半落路傍花

明發周村灣

不住寬鄉住甕門那知世上有乾坤環將峻嶺包溪谷圍
出餘天與別村茅屋相挨無着處花溪百摺不教奔江淮
地迥寒無價宜歛山寒更莫論

過湖駱坑

已被山寒病老身。車徒溪涉更艱勤。霧皆成點無非雨。日出多時未脫雲。猿鳥一聲人不見。松杉四塞徑無痕。十分晴暖儂何福。官借曦光三五分。

安樂廟頭

誰教遣詩酷愛山。愛山說得口瀾翻。千峰萬嶺爭投奔。一陟三休却倦煩。推案滿前何處着。枯腸飽後豈能餐。殘嵐曠翠渾無用。包寄金陵同社看。

宣歙道中

天齊玉立萬孱顏。三日溪行紫翠間。便是昨來千佛閣。望中見此兩州山。詩家寒刮少陵骨。宮樣高梳西子鬟。祇好遙看莫登覽。今晨登處髻都斑。

新安登江水自績溪發源

金陵江水只醜腥。敢望新安江水清。皺底玻璃還解動。瑩然鄞淥却消醒。泉從山骨無泥氣。玉漱花汀作珮聲。水記茶經都未識。謫仙句裏萬年名。太白云。借問新安江見底。何如此。又云。何謝新安水。手尋見底清。

明發黃土龕過高路

又過崢嶸兩峽間。也無溪水也無田。嶺雲放脚寒垂地。山麥掀髯翠拂天。碧玉屏風吹不倒。青綾步帳買無錢。詩人富貴非人世。猶自淒涼意惘然。

晨炊泉水塘村店無肉只買筍蕨啣亭父

屠門滾閉底須愁。土鍾無烟也莫羞。筍便落林猶勝肉。蕨纔出土更燒油。萬錢下箸今安在。一飯流匙飽即休。吾道藜羹元不糝。至今諱殺古陳州。陳州人諱餓殺孔夫子。

明發西館晨炊藹岡

人家爭住水東西。卽是臨溪却背溪。撥得一家無去處。跨溪結屋更精奇。

何須名苑看春風。一路山花不負儂。日日錦江呈錦樣。清溪倒照映山紅。

閩門外登溪船

步下新船試水初。打頭攬載適逢予。一椽板屋纔經雨。兩面油窗好讀書。刺買春園紅芍藥。亂簪棊几竹籬條。清溪浮取松亭子。賞徧千山不要驢。

上得船來恰對山。一山頃刻變多般。初堆翠被百千摺。忽拔青瑤三兩竿。夾岸兒童天上立。數村樓閣電中看。平生快意何曾夢。老向閩門下急灘。

當面峰頭些子雲。坐看吹作雨紛紛。朝來山路能愁我。今者溪船正要君。遠嶺輕盈橫皴殼。明窗撩亂觸驚蚊。猶爭新漲一篙碧。遮莫飄蕭二十分。

選甚天時晴未晴。舟行終是勝山行。篷欣雨點斜偏如枕。慣波聲夢不驚。幸自車從小休息。又聞鼓笛鬧將迎。偶然回首來時路。一夜霜毛一倍生。

無家不住曲溪邊。祇種高山不種田。絕壁如天天入水。亂篙鳴石石鳴船。百灘春浪雲頭過。兩岸林花鏡底眠。掃路商量更舟楫。廬山彭蠡好風烟。

芙蓉渡酒店前金沙芍藥盛開

山店春光也自妍。芙蓉渡口數家邨。筍輿低過金沙架。籬落疎圍芍藥軒。孤客倦遊殊寂莫。雨花作意與溫存。可憐

經眼匆匆去。不折紅香到綠尊。

晨炊橫塘橋酒家小窗

飢望炊烟眼欲穿。可人最是一清帘。雙渠走水穿三店。獨樹欹流蔭兩簷。窗扇透明仍挂上。爐香未盡又多添。山中祇苦無良醞。嫌殺芳醪似蜜甜。

過松源晨炊漆公店

莫言下嶺便無難。賺得行人錯喜歡。正入萬山圈裏一山放出。一山攔。

答徐子村談絕句

受業初參王半山。終須投換晚唐間。國風此去無多子。關棧挑來祇等閒。

雨後泊舟小箬回望靈山

靈山相識已平生。雨後精神見未曾。一朵碧蓮三萬丈。數來花片八千層。雲姿霧態排天出。竹杖芒鞋欠我登。羨殺峰頭看山寺。厭山不看是諸僧。

悶歌行

阻風泊湖心康郎山旁小舟三宿作悶歌行

書策看來已覺煩。詩篇壓了更休論。客心未便無安頓。試數油窗雨點痕。風氣掀天浪打頭。只須一笑不須愁。近看兩日遠三日。氣力窮時會自休。

題漱玉亭示開先長老師序

山根玉泉仰面飛。飛出山頂却下馳。自從廬阜瀉雙練。至今銀灣乾兩枝。雷聲驚裂龍伯眼。雪點濺濕姮娥衣。寄言

蘇二李十二莫愁瀑布無新詩

發揚港渡入交石夾

朝雨匆匆霽春山歷歷嘉老青交幼綠暗錦出明花漁艇
十數隻鷄聲三五家人生須富貴此輩亦生涯

題東西二梁山

發蕪湖舟過東梁西梁二石皆石峰夾大江對立兩岸
卽采石蛾眉亭所望見如雙眉者

莫恨當初畫得偏却因偏處反成妍喜來舒展愁來蹙各
樣嬌燒更可怜

傳道臨春惜麗華不從陳帝入隋家獨將亡國千年恨留
下雙顰寄岸花

發慈湖過烈山望見歷陽一帶山

夢繞天津月再灣慈湖解纜已開顏淮山到眼長相識直
北青梢是定山

讀唐人于漬劉駕詩

劉駕及于漬死愛作愁語未必真許愁說得乃爾苦一字
人目蜚出兩睫雨莫教雨入心一滴一痛楚坐令無事
人吞刃割肺腑我不識二子偶覽二子句兒曹勸莫讀讀
着恐愁去我云寧有是誠讀亦未據一篇讀未竟永慨聲
已屢忽覺二子愁併來遮不住何物與解圍伯雅煩盡護

送丘宗卿帥蜀

論蜀宣威百萬兵不須號令自清明酒揮勃律天西枕鼓
臥蓬婆雲外城二月海棠頰國色五更杜宇說鄉情少陵
山谷千年恨不遇遲江眼為青

發趙屯得風宿楊林池是日行二百里

動地風來覺地浮。拍天浪起帶天流。舞翻柳樹知何喜。拜殺蘆花未肯休。兩岸萬山如走馬。一帆千里送歸舟。出籠病鶴孤飛後。回首金籠始欲愁。

平望夜景

三變三常。當夜泊平望更點長。新月無光湖有光。昨宵一雪今宵霜。犬吠兩岸歸人忙。夜淡人靜無一事。畫燭注殘人欲睡。忽有漁船外水來。一棹波聲風雨至。半生墮在紅塵中。浮家東吳東復東。樓船夜宿琉璃國。誰言別有水晶宮。

登鳳凰臺

千年百尺鳳凰臺。送盡一湖回鳳不回。白鷺北頭江草合。烏

衣西面杏花開。龍蟠虎踞山川在。古往今來鼓角哀。只有謫仙畱句處。春風掌管拂蛛煤。

上巳寒食同日後園散行

百五重三併一朝。風光不怕不嬌嬈。鹿葱引道心猶卷。楊柳磨門手對招。筇未喚隨非是強。扇聊作伴不須搖。先生道是無歌舞。花勸鶯酬酒自銷。

代書呈功父

不見子張子。令人夢亦息。只應依舊瘦。近作幾多詩。聯句平生事。看花去歲時。海棠今好不。傳語併醅醑。

折花

指似青童折海棠。繁枝仍要艷花房。癡眉眼底生疎手。顛脫花房悶一場。

陪畱守余處恭總領錢思提刑傅景仁游清涼寺卽

古石頭城

巴守臺城更石城不知併力或分營六師只遣還天關一
壘真成借寇兵向者王蘇俱解此冤哉隗協可憐生若言
虎踞渾堪倚萬歲千秋無戰爭

夏日雜興

金陵六月曉猶寒近北天時較少暄打盡林禽那待熟半
開萱草已先翻獨龍岡頂青山摺十字河頭別一痕九郡
報來都雨足插秧收麥喜村村

新亭送客

六朝豈是乏勳賢爲底京師不晏然栢壁置人添一笑楚
囚對泣後千年鍾山喚客長南望江水流人懶北還
興亡談不盡枉教吟殺夕陽蟬

初秋行圃

今年六月不勝涼七月炎蒸不可當一陣秋風初過雨箇
般天氣好燒香
小小園亭亦自佳晚雲雨過却成霞爛開梔子渾如雪已
熟來檣尚帶花
花梢飛下兩鳴鳩欲住還行行復畱拾得來禽吞不得啄
來啄去竟成休
落日無情最有情偏催萬樹暮蟬鳴聽來咫尺無尋處尋
到旁邊却不聲

竹林

已製青奴一壁寒更指綠玉兩頭安誰言詩老眠雲榻不

是漁郎釣月竿。醉夢那知蕉葉雨。小舟親過蓼花灘。蹶然
驚起天將曉。牕下書燈耿復殘。

後圃秋步

夏筵秋新妬。暄窻冷早侵。病葵萱未悟。落果草偏深。老矣
曾縈望。歸歟更嬾心。此冠彈與掛。若箇不山林。

聽蟬絕句

一隻初來報早秋。又添一隻說新愁。兩蟬對語雙垂柳。知
鬪先休鬪後休。

渠與斜陽有底讐。千冤萬恨訴清秋。更從誰子做頭抵。只
放斜陽不落休。

望帝啼春夜更多。不知蟬意却如何。還來入夜便無語。明
日將詩理會他。

罪過渠儂商略秋。從朝至暮不曾休。莫嫌入夜還休去。自
有寒螿替說愁。

八月朔曉起趣辦行

雨後最先起。花間濕也行。破除婪尾暑。領略打頭清。蠹果
無遲落。枯枝忽再榮。便須秣吾馬。及此半陰晴。

蚤起稜鎮

人趁村中樹。雞鳴擔上籠。忽看一天紫。未吐半輪紅。誰撼
扶桑露。吹來楊柳風。詩肩忍涼冷。已出兩臞峰。

山路祇言迥。農家俱風興。短長羣穉子。回避一田塍。隨犬
能知路。騎牛底用繩。茲行有勝事。何處不豐登。

發銀樹林

莫過溪橋銀樹林。溪深未抵路泥深。清風一陣掠人面。晴

色半開關客心。遠嶺蒸雲秋裏雪。淡天刷墨曉來陰。幾多
好句爭投我。柳奪花偷底處尋。

曉行望雲山

霽天欲曉未明間。滿目奇峰總可觀。却有一峰忽然長。方
知不動是真山。

四更發青陽縣西五里村家店

轎中萬兀路千縈。死盡村無一鳴。落月正明知未曉。暗
泉甚遠只聞聲。自緣客子行來早。豈是秋天不有明。午熟
未來先下店。却將晝睡補宵征。

過若山坊進退格

綠漲空中幄。黃鋪地上雲。風條釣過轎。雨穗沒行人。夾路
桑千樹。平田稻十分。泥行殊不惡。物色逐村新。

菜圃

此圃何其窄。于儂已自華。看人澆白菜。分水及黃花。霜熟
天殊暖。風微旆亦斜。笑摩桃竹杖。何日拄還家。

冬暖

小春活脫是春時。霜熟風酣日上遲。晚蝶頻來獵殘葉。驚
禽衝過倒垂枝。暫閑何似長閑好。無事非關了事癡。三徑
一筇人不見。假山以外菊花知。

題青山市汪家店

小小樓臨短短墻。長春半架動紅香。楊花知得人孤寂。故
故飛來入竹窗。

宿新豐坊咏餅中牡丹因懷故園

客子泥塗正可憐。天香國色一枝鮮。雨中晚斂寒如此。燭

底宵暄笑粲然。自覺玉容微婉軟。急將翠掌護嬋娟。江南
也有新豐市。未羨賓王酌聖賢。

嘲道旁楓松相倚

雙楓一松相後前。可憐老翁依少年。少年翡翠新衫子。老
翁淡衣青布被。更看秋風清露時。少年再換輕紅衣。莫教
一夜霜雪落。少年赤立無衣著。老翁淡衣却不惹。

宿白雲山奉聖寺

徑夾長松地照青。眼看高閣與雲平。出林殿脊先知寺。滿
地花枝未見鶯。上到峰頭千嶂合。下臨嶺脚一溪橫。山寒
入骨水相似。水殺人來却道清。

安樂坊牧童

前兒牽牛渡溪水。後兒騎牛回問事。一兒吹笛笠簪花。一
牛載兒行引子。春溪嫩水清無滓。春洲細草碧無瑕。五牛
遠去莫管他。隔溪便是羣兒家。忽然頭上數點雨。三笠四
簑趕將去。

宿黃土龕五更聞子規

通宵不睡睡方奇。夢裏驚聞新子規。只是一聲已腸斷。况
當三月落花時。不論客子愁無那。便遣家人聽亦悲。歸到
江西歸始了。江東歸得未爲歸。

和道父山歌

夜卧舟中聞有唱山歌者。倚其聲作二首。王道父
生來不識大門邊。一片丹心石樣堅。間得阿郎誰得婦。
無媒爭得到郎前。

種田不收一年事。取婦不著一生貧。風吹白日漫山去。

老却郎時懊殺人。

和

東家娘子立花邊。長哭東枝脆不堅。却被花枝哭娘子。嫁期已是蹉春前。阿婆辛苦住西鄰。豈愛無家更願貧。秋月春風擔閣了。白頭始嫁不差人。

明發四望山。過都昌縣入彭蠡湖。

衆船爭取疾。直赴兩山口。吾船獨橫趨。甘在衆船後。問來風不正。法當走山右。不辭用盡力。要與風相就。忽然挂孤帆。吾船却先走。

大姑山

小姑小年嫁彭郎。大姑不嫁空自孀。小姑有夫似織女。大姑無夫如姮娥。慈湖也曾說媒妁。執柯教與五老約。東方一老差妙齡。正似彭郎却老成。大姑背面啼更道。豈有老人會年少。大姑年來年去今亦老。

道中紀行

可堪衰病兩相纏。更苦懸車尚五年。羨殺雨中山上水。畱他不住竟歸田。君看人跡蝶來輕。踏得林間路作坑。古路今人行不得。一時移上上頭行。

人會平少大故平來平去今亦空
一夫漢收銷五劫波浪味去如大故昔面留更豈豈休夫
不若君真誠也
可學矣誠則何事矣昔昔然車內五平美地而中山北水西
山中殊計
人會平少大故平來平去今亦空
一夫漢收銷五劫波浪味去如大故昔面留更豈豈休夫
不若君真誠也
可學矣誠則何事矣昔昔然車內五平美地而中山北水西

退休集鈔

三三徑

東園新開九徑江梅海棠桃李橘杏紅梅碧桃芙蓉九
種花木各植一徑命曰三三徑云

三徑初開自蔣卿再開三徑是淵明誠齋奄有三三徑一
徑花開一徑行

雪後東園午望

天色輕陰小霽中書眠初醒未惺鬆梅橫破屋無多雪雲
放東山第一峰不道風光虧此老將何功業答殘冬土羔
菜甲鵝兒酒醉入梅林化作蜂

答賦永豐宰黃巖老投贈

吾友蕭東夫今日陳後山道腴詩彌瘦世忙渠自閒不見

詩齊退休集金
逾星終每思卽凄然都邑黃永豐與渠中表間黃語似蕭
語已透最上關莫道不是蕭蕭乃墮我前佳句鬼所泣盛
名天所慳詩人只言黠犯之取飢寒端能不懼者放君據
詩壇

初夏

旋作東坡已水聲纔經急雨恰新晴提壺醒眼看人醉布
穀催農不自耕一似老夫堪笑死萬方口業拙謀生嘲紅
侮綠成何事自古詩人沒一成

枕上聞子規

半世經行怕子規一聞一歎一霑衣如今聽着渾如夢我
自高眠汝自啼

有歎

飽喜飢嗔笑殺儂鳳凰未可笑狙公儘逃暮四朝三外猶
在桐花竹實中

六月將晦夜出疑歸門

暑裏街頭可久停今宵無月也宵征一天星點明歸路十
里荷香送出城山轎聲聲柔艣緊葛衣服眼野風清五更
月出還家下不早相期作伴行

十六日夜再同子文三濟叔粲南溪步月

際晚溪遊暮欲歸追涼逐勝却成遲月如醉眼生紅暈山
作愁眉帶淡姿天下無人閑似我秋邊有句說誰知弟兄
一再更相送行到更深笑不知

重九前四日晝睡獨覺

睡息初酣過午彊起來四顧已斜陽漆糊窗隔無風氣旋

曬衣裘有日香。舊雨不來從草綠。新豐獨酌又花黃。去年重九窮忙過。可遣今年更作忙。

立春檢牡丹

牡丹又欲試春粧。忙得閒人也作忙。新舊年頭將替換。去留花眼費商量。東風從我袖中出。小蕾已含天上香。只道開時恐腸斷。未開先自斷人腸。

曉起探梅

一生劫劫只長塗。投老山林始定居。夢破青燈窗欲白。猶疑雪店聽鷄初。

送簡壽王主簿之官臨桂

柴門草徑儘莓苔。不放黃塵俗子來。詩客清晨衝雨入。梅花一夜為君開。飄蕭落葉殘燈火。陸續清談濁酒杯。二十

一年纔四見驪駒。抵死又相催。

與侯子雲溪上晚步

人入溪園自揜門。溪流新落兩三痕。杖藜紫菊霜風徑。送眼丹楓夕照村。行住忽然忘近遠。陰晴未肯定寒暄。多時不出今聊出。牧子樵兒一笑喧。

新晴

瑤霜珠露兩相鮮。玉宇金鉉萬里寬。欲作一晴多少日。早知祇費數朝寒。暴禾場裏鷄豚樂。試筆窗前紙墨乾。兒女莫餐新浙飯。打頭荷甌且輸官。

留蕭伯和仲和小飲

誰曾白日上青天。誰羨千鍾况萬錢。要入詩家須有骨。若除酒外更無仙。三杯未必通大道。一醉真能出百篇。李杜

飢寒纔幾日。却教富貴不論年。

新晴東園晚步

一日秋陰一日晴。山禽相賀太丁寧。不愁白髮千莖雪。隨喜黃庭一卷經。晚霧薄情憎遠嶺。夕陽死命戀危亭。孤吟莫道無人覺。松竹喧傳菊細聽。忙裏清流也帶塵。鬧中底物不長新。水將樹影揮空帶。楓換秋容作好春。自是不歸歸便得。老來下筆筆如神。鬢花剪燭無虛日。賤相誠齋一老人。

歲暮歸自城中一病垂死病起遣悶

素居猶寡歡。巾車入城闌。親舊久不見。一見交相欣。挽衣招我飲。惟恐我出門。不招我亦往。不畱我亦存。殷勤復如許。不住我豈真。是時梅始花。吹香落金尊。酒闌看果富。咀

啜俱芳珍。丞相我知己。太守我故人。言非汰塵雜。塵雜不入言。初談聖賢髓。終談天地林。向晚銜杯酒。不樂復何云。出郭雲尚明。反郊日忽暮。不息日晷短。却信雲已誤。駿奔六七里。逢店破亦住。澆愁幸殘尊。照睡欺短炬。荒鷄喚野夢。晨起念速步。升高乃復下。故病動中腑。昏壯懔欲絕。低回不能去。僮僕強我歸。偶不隕中路。老主猶倚強。疾在自不悟。及茲一委頓。去死僅尺許。人生信浮脆。可笑何足懼。所懼棄官晚。行樂今已遽。

曉登萬花川谷看海棠

準擬今春樂事濃。依前枉却一東風。年年不帶看花眼。不是愁中卽病中。

走筆送趙正則司戶來訪觀親庭

捧檄親庭歸帽斜。官臨破屋玉川家。小留詩客三杯酒。試看山園幾處花。人到東湖與南浦。時當芍藥替金沙。却來書滿參鄉好。徑泛銀河犯斗槎。

寄題儋耳東坡故居尊賢堂。太守譚景光所作。

先生初落海南垂。茅屋三間不到伊。更有高堂懸畫像。幸無過客首新詩。古來賢聖皆如此。身後功名屬阿誰。底事百年譚太守。却教賓主不同時。

八月十三日望月

纔近中秋月已清。鴉青幕挂一團冰。忽然覺得今宵月。元不粘天獨自行。

蛩聲

誠齋老子一歸休。最感蛩聲五報秋。細聽蛩聲元自樂。人

愁却道是它愁。

南齋梅花

朝來早起挂南窗。要看梅花試曉粧。兩樹相挨前後發。老夫一月不燒香。

早春

還家五度見春容。長被春容惱病翁。高柳下來垂處綠。小桃上去末梢紅。捲簾亭館酣酣日。放杖溪山款款風。更入新年足新雨。去年未當好時豐。

雪後寄謝濟翁村翁聯騎來訪進退格

封胡連壁雨中來。自送歸鞍悵獨回。隱几讀書寒入骨。開門落雪皓平堦。急尋火種溫雙手。自喚兒郎共一杯。念汝野梅官柳路。地爐松葉買茆柴。

春半雨寒牡丹殊無消息

今歲芳菲儘未忙。去年二月牡丹香。寒暄不定春光晚。榮落俱遲花命長。繞一兩朝晴炫野。又三四陣雨鳴廊。對江魏紫拳如蕨。而况姚家進御黃。

初秋戲作山居雜興俳體

早起翻成坐睡昏。鵲聲喚我步前軒。竹扉日影針來大。射壁千丸彈子痕。

暑後花枝輪子春。雜英小巧亦欣人。素馨解點粉描筆。卷扇愛垂鷄下唇。

風騷開國昨寒嚴。勞績批書課萃嵐。梨子要肥千取百。菊苗每摘一生三。

昨夜天垂破玉盆。今宵辛苦補盆唇。看他補到十七八。滿

得十分虧二分。

甌頭雲子喜嘗新。紅嚼桃花白嚼銀。笑殺他人浪歡喜。村人殘底到官人。

七月初頭六月闌。老夫日醉早禾酸。莫將煮吃只生吃。更洩天機向達官。俗謂早禾酒爲早禾酸。

自曝羣書舊間新。淨揩白醖拂黃塵。莫羞空腹無丁字。且免秋陽晒殺人。

獨對秋筠倒晚壺。喜無吏舍四歌呼。柳梢一殼茲緇滓。蠟角雙斑谷古孤。

卓午從他大繳張。先生別有睡爲鄉。竹牀移徧兩頭冷。瓦枕翻來四面香。

謝拜師余處恭遣騎惠書送酒

鵲噪燈花兩太謾。三朝五夜強相歡。打門將軍還驚枕。破
屋閑人起着冠。知已書從天上落。焚香手把月中看。少陵
泛愛風名句。羨殺寒儒眼不寒。

同王見可劉子年循南溪度西橋登天柱岡望東山
偶因閑步散頑麻。倦喚胡麻小住些。飛上山頭人似鶴。回
看溪畔路如蛇。雲烟極目知可愛。松竹爲門是我家。下得
山來飢更渴。也無麥飯也無茶。

和曾無疑贈詩語及歐陽公事

烏帽紅塵媿子陵。綠簑青笠晚尋盟。三千里外還家後。七
十二回看月生。與子兩人長對酌。笑渠萬古浪垂名。醉翁
若是真箇醉。皁白何須鏡樣明。

題道卿貧樂齋

雪茹冰餐入骨香。慢欺驢瘦儘詩狂。人傳幼婦皆稱絕。鬼
笑人家不姓方。細雨寒燈初夢短。斷猿枯木一聲長。上天
已辦河東賦。豈有長貧執戟郎。

乙未春日山居雜興

半月春晴探物華。山園走得脚酸麻。從教二日風和雨。閉
戶燒香不看花。
海棠重葉更妖斜。青帝翻騰別一家。格外出奇人不識。大
紅抹倒小蓮花。
金作林檎花絕濃。十年花少怨東風。卽今徧地藥枝錦。不
則梢頭幾點紅。
日影雲光學鑲金。好風不肖碎花陰。人言春色濃于酒。不
醉衰容只醉心。

半晴半雨半暄涼。拖帶春容未要忙。爲報州家更縣裏。吾鄉改作萬花鄉。

春雨脚帶東園柳。絆花牽不暫閒。今日醜晴天氣好。杖藜看水更看山。

暮春

花時追賞夜將朝。花過遲眠日儘高。又與山禽爭口腹。執竿挾彈守櫻桃。

送蕭瑞卿

異縣二百里。分襟五十年。官來尋病老。相對各蒼然。舉似兒時話。茫如夢裏烟。殘花猶可醉。細酌斗酒眠。

送分寧主簿羅寵材秩滿入京

要知詩客參江西。正似禪客參曹溪。不到南華與脩水。十

何傳法更傳衣。吾家親黨子羅子。只今四海習鑿齒。花紅玉白幾百篇。塞破錦囊脫無底。三年簿領修水涯。夜半親傳雙井芽。定知誦向百僚上。不道長江與落霞。

書黃廬陵伯庸詩卷

句法何曾問外人。單傳山谷當家春。截來雲錦花無樣。倒寫珠胎海亦貧。汗竹香中翻墨汁。扶渠梢上挂頭巾。詩名官職看雙好。向道儒冠不誤身。

木犀芙蓉盛開

先生淡仕萬山村。霧裏雲包不見痕。也被閑人知去處。芙蓉巷裏木樨門。

謝張功父送近詩集

十年不夢軟紅塵。惱亂閑心得我噴。兩夜連緡約齋集。雙

睥再見帝城春。鶯花世界輸公等。泉石膏肓探病身。近代
風騷四詩。將非君摩壘更何人。范石湖尤梁溪蕭千巖陸放翁

寄謝蜀帥袁起巖尚書閣學寄贈藥物

拋官歸隱七經年。睡殺山雲笑殺天。剩雨殘雲黃帽底。顛
詩中酒白鷗前。少年行路今已矣。厚祿故人書寂然。只有
錦城袁閣學。寄詩贈藥意怕怕。

寄題安福劉道協涌翠樓

讀書臺南山繞屋。恰是萬簷削青玉。讀書臺北山更多。又
似碧海躍萬波。臺邊高人子劉子。架樓南北山圍裏。醉中
領客上上頭。忽驚平地翠浪浮。一浪拋雲入天半。眾浪翻
空濕銀漢。碎轟打倒闌干。前天跳地。地跳乾坤顛。竇主拍手
呼釣船。定眼看來。還不然。只是南北幾點山。

走筆謝吉守趙判院分餉三山荔枝

吾州五馬住閩山。分我三山荔子丹。甘露落來鷄子大。曉
風凍作水晶團。西川紅錦無此色。南海綠羅猶帶酸。不是
今年天不暑。玉膚照得野人寒。

足痛無聊。坐讀江西詩

兩脚徧雲水。羣書久網絲。却因三日痛。理得數篇詩。不借
雙高挂。毋追一任欷。老夫非愛病。不病亦何爲。

夏夜露坐

火老殊未熱。雨多還自晴。暮天無定色。過鳥有遺聲。坐久
人將睡。更深月始明。素娥欺我老。偏照雪千莖。
山翠都成黑。天黃忽復青。月肥過半壁。雲瘦不遮星。瓦鼓
三四隻。村酤一兩瓶。人皆笑我醉。我獨笑渠醒。

同劉季游登天柱岡

兩箇胡牀小。憇些一枝筇杖挂。傾斜烟雲慘淡。天將雪。風日荒寒。梅未花。人去客來。沽酒市。鷄鳴犬吠。野人家。清游不用忙歸去。強管行程是暮鴉。

不睡

夜永無眠非爲茶。無風燈影自橫斜。擁禩仰面書幃薄。數盡承塵一簾花。清愁無數暗相隨。酒是渠讐也是媒。醉裏不知何處躡。等入醒後一時來。

醉吟

三春草草眼中過。未抵三冬樂事多。燭焰雙丫紅再合。酒花半蕾碧千波。孤寒霜月儂相似。跌宕風雲誰奈何。道是

閑人沒勳績。一枝樵斧一漁蓑。

送士文伯上舍歸豐城兼簡彭侍郎

碧落先生少可人。銀鈎繭紙苦稱君。談間口吸西江水。句裏家傳南浦雲。千里端能來命駕。一尊得與細論文。還家剩草三千牘。看策平津第一勳。

讀張文潛詩

山谷前頭敢說詩。絕稱激酒掃花詞。後來全集教渠見。別有天珍渠得知。

予與客嘗茶。藤瀉酒。客求其法。因戲答之。

月中露下摘茶蘩。瀉酒銀餅花倒垂。若要花香熏酒骨。莫教玉醴濕瓊肌。一杯墮我無何有。百罰知君亦不辭。勅賜滾之能幾許。野人時復一中之。

初夏卽事

百日田乾田父愁只消一雨百無憂更無人惜田中水放下清溪恣意流

更無一箇子規啼寂寂空山花自飛啼得春歸他便去元來不是勸人歸

詩酒懷趙德莊

德莊對客不瀟茗傳觴半杯日某名趙半杯君知否余老病亦只飲半杯

舊日張三影今時趙半杯誰將牌印子牒過草廬來一代風流盡餘年鬢髮催愁邊對詩酒懷抱向誰開

端午獨酌

招得榴花共一觴艾人笑殺老夫狂子蘭赤口穰何益正則紅船看不妨團糴明朝便無味菖蒲今日麼生香一生幸免春端帖可遣漁歌譜大章

至後入城道中雜興

大熟仍教得大晴今年又是一昇平昇平不在蕭韶裏只在諸村打稻聲

問渠田父定無飢却道官人那得知未送太倉新玉粒敢先雲子滑流匙

畦蔬甘似臥沙羊正爲新經幾夜霜蘆菔過拳菘過膝北風一路菜羹香

長亭阿姥短亭翁探借桃花作面紅酒熟自嘗仍自賣一生割據醉鄉中

豐年物物總欣歡不但人和畜亦蕃鼓處金膚肥甕母春餘珠屑飽鷄孫

再入城宿張氏莊早起進退格

夢覺月如畫。誤驚天欲明。起吹松葉燼。自點柏花燈。山橋
已十里。譙門纔四更。脚跟豈無火。鬚上也成冰。

暮行田間

布穀聲中日脚收。瘦藤呼我看西疇。露珠走上青秧葉。不
到稻頭肯便休。
水滿平田無處無。一張雷紙雨中鋪。新秧亂插如井字。却
道山農不解書。

進退格寄張功父姜堯章

尤蕭范陸四詩翁。此後誰當第一功。新拜南湖爲上將。更
牽白石作先鋒。可憐公等俱癡絕。不見詞人到老窮。謝遣
管城儂已曉。酒泉端欲乞移封。
雨中入城送趙吉州器之

拂溪楊柳縷生金。欄路山礬香殺人。不是衝關送行客。外
頭放過若干春。

村店農忙半不開。入城客子去還來。阿耶身傘兒青笠。賣
却松柴買菜回。

次公秩滿來歸偶上巳寒食同日父子小酌

又是一年修禊時。何須曲水泛金卮。遍嘗衆酒少亦醉。坐
到三更眠未遲。上巳巧當寒食日。春風慳放牡丹枝。白頭
父子燈前語。忘却江湖久別離。

十二月二十七日立春夜不寐

冬夜嫌長只望春。春宵又永更何言。曉綃強合終無睡。脚
底相摩也不溫。竟夕松風聽到曉。半明燈火看來昏。擁綯
却起蒙頭坐。顧影真成一病猿。

長孺共讀杜詩

病身兀兀腦岑岑。偶得兒曹文字林。一卷杜詩揉欲爛。兩人齊讀味初深。斷肝枉却期千載。漏眼誰曾更再尋。筆底奸雄死猶毒。莫將饒舌泄渠心。

族人同諸友問疾

摩詰沉痾未易排。文殊一問失妖災。老夫何幸羣賢集。倒履出迎雙眼開。語造極時全愈了。病知客去卽重來。呼兒細揀新書冊。體不佳時看一回。

病中復脚痛終日倦坐遣悶

滿眼生花雪滿顛。依稀又過四雙年。誰知病脚妨行步。只見端居例坐禪。墮扇几旁猶懶拾。檢書窗下更能前。世人總羨飛仙侶。我羨行人便是仙。

病中七夕

良辰美景底須來。苦惱如山正滿懷。蟬度清歌脩溪柳。花吹黃雪灑宮槐。新秋風物俱堪賞。久病心情自不佳。說與兒童休乞巧。老夫守拙尚多乖。

巳丑改元開禧元日

開禧元祀更元正。宿雨新收放曉晴。夜半梅花添一歲。夢中爆竹報殘更。方知人喜天亦喜。作麼鐘鳴鷄未鳴。老子年齡君莫問。屠蘇飲了更無兄。

病中春雨聞東園花盛

萬類欣欣一老悲。物華豈是不佳時。病夫自與春無分。好景非干我獨遺。花底報來開巳鬧。雨中過了更曾知。風光九十今強半。又約芳菲隔歲期。

雨霽看東園桃李行溪上進退格

藥裹關心正腹煩。強排孤悶到東園。行穿六六三三徑。來往紅紅白白間。繞樹仰看渾弗見。隔溪回望不勝繁。村村桃李家家有。脚力酸時坐看山。

病中感秋

病中一別抵三秋。况見西風在樹頭。老去能禁幾回病。秋來不爲別人愁。書帷夢覺疑僧榻。竹戶涼侵似客舟。壽外康寧方是福。不然徒壽不須休。

送藥者陳國器

竇憲一舉空朔野。曹霸一筆空凡馬。吾鄉藥者有陳生。一丸洗雪萬藥者。庸醫皆笑道。沙陳生拈出便是玉山禾。庸醫皆笑潤下水。陳生酌來便是上池底。也只不離神農

書書外別得一亡珠。也只不出岐伯論。論外別得舌一寸。舊遭痔疾惱殺儂。新遭淋疾與合縱。恰如住在圖田國。晉楚腹背夾攻。陳生贈我玉困子。乃是華陽洞中垂龍耳。陳生贈我紺葉紗。乃是金鴉脚底扶桑花。汲泉親手煮蟹眼。一碗枯腸如宛沙。平生舊疾蟬殼退。秋風吹落青天外。更傳枕中鴻寶方。戒勿浪傳泄天藏。君不見回岩仙客逢貧子。指石成金吾濟爾。貧子再拜不要金。祇覓指頭吾自指。

除夕送次公子入京受縣

過眼光陰又歲窮。相看父子一尊同。春回雨點溪聲裏。人醉梅花竹影中。汝趁暄和朝北闕。我扶衰病見東風。弟兄努力思報國。放我滄浪作釣翁。

十月四日同子文克信子潛子直材翁子立諸弟訪
三十二叔祖於小蓬萊酌酒摘金橘小集戲成

句

誠齋老子不奈靜。偶挂烏藤出苔徑。獨游無伴却成愁。還
從同行還起興。每過一家添一人。須臾保社如煙雲。褰裳
涉溪溪水淺。着履渡橋橋柱新。蓬萊一點出塵外。南溪裏
在千花裏。芙蓉照波上下紅。琅玕繞屋東西翠。槿籬竹戶
重復重。雞鳴犬吠青霞中。蓬萊老仙出迎客。朱顏綠髮仍
方瞳。餐菊爲糧露爲醕。染霧作巾雲作屨。忻然領客到仙
家。行盡蓬萊日未斜。更傾山瓢酌山酒。酒外瓢邊亦何有。
偶看小樹雙團欒。碧琉璃葉黃金丸。主人忍喫不忍摘。笑
道未霜猶帶酸。小童隨我勇過我。不管仙翁惜仙果。手撓

風枝揀霜顆。爭獻滿盤來。飢坐隔水蓬萊看絕奇。蓬萊看
水海如池。主人勸客對絕境。不飲令儂坐生癭。何如寄下
未盡瓢。畱待早梅賞疎影。

嘗桃

金桃兩釘照銀杯。一是栽花一買來。香味比嘗無兩樣。人
情畢竟愛親栽。

止酒

止酒先立約。庶幾守得堅。自約復自守。事亦未必然。約語
未出口。意已慘不歡。平生死愛酒。愛酒仍棄官。憶昔少年
日。與酒爲忘年。醉則卧香草。落花爲繡繒。覺來月已上。復
飲落花前。衷腸不禁酒。此事今莫論。因酒屢作病。自索非
關天。朝來復苦痛。飲藥痛不痊。銳欲絕伯雅。已書絕交篇。

如何酒未絕。告至愁已先。我與意爲仇。意慘我不歡。何如且快意。伯雅再遣前。來日若再病。旋旋商量看。

秋涼晚酌

寄老山林度懶殘。新秋又是一年年。青編翠竹風聽月。白酒紅蕖水檻天。暑欲謝時偏更毒。儂當醉後忽渠顛。古稀尚隔來年在。且醺今宵藥玉船。

乙卯春日。二徑行散有感

東園一日走千尋。又見飛龍第一春。桃李成陰儂已老。江山依舊歲還新。穿花踏影渾無日。隔徑聞聲不見人。學省同寮各星散。白雲山裏伴閒身。

十一月朔早起

拋笏投簪四見秋。官情世味兩俱休。塵隨日影穿牕戲。葉

新霜

卷風聲刮地愁。文武自向香底火。聖賢教帶老時愁。夜來富貴非人世。夢釣滄浪雪滿舟。

中塗小歇

得得今來未有寒。天公小靳不全判。欲呈瑞雪飛花樣。先遣濃霜起草看。瓦脊生春總瓊玉。梅梢着粉忽琅玕。老夫到老嫌冬熱。十指明不出袖難。

積雨小霽

山僮問遊何許村。莫問何許但出門。脚根倦時且小歇。山色佳處須細看。道逢田父遮儂住。說與前頭看山去。寄下君家老瓦盆。他日重遊却來取。

雨足山雲半欲開

新秧猶待小暄催。一雙百舌花梢語。四

顧無人忽下來。

和虞使君易簡字知能所寄唐律二首

四海九州虞雍公。擎天一柱雪山峯。厥孫俊逸詩無敵。下筆縱橫劔有鋒。舊日門生今白髮。故人書札照蒼松。掉頭讀得紗巾落。如對青雲阮仲容。

柴桑卧病一茅廬。或掉孤舟或命車。道喪今朝逢祖謝。詩工獨步過應徐。萬山不隔相思字。數月之間兩得書。廊廟方將訪喬水。碧梧翠竹看新除。

曬衣

亭午曬衣晡褶衣。柳箱布襪自攜歸。妻孥相笑還相問。赤脚蒼頭更阿誰。

九日菊未花

舊說黃楊厄閏年。今年併厄菊花天。但撥青蕊浮新酒。何必黃金鑄小錢。半醉嚼香霜月底。一枝却老鬢絲邊。阿誰會得開遲意。暗展重陽十月前。

曉看芙蓉

兩歲芙蓉無一枝。今年萬朶壓枝低。守紅半白花都闕。非短非長樹斬齊。臨水醜粧新雨後。出牆背面曉風西。春英笑殺秋英淡。祇恐濃於桃李蹊。

久雨妨於農收因訪子上有歎

君能過我意如傾。我每看君脚便輕。若爲泥塗間還往。端令老病底心情。未霜楊柳秋猶碧。既水芙蓉晚更明。早歲嫌晴不嫌熟。今年教熟不教晴。

誠齋題三老圖

劉訥敏叔秀才寫乘成先生平園相國及予爲三老圖
因署其後

劉君寫照妙通神。三老圖成又一新。只道老韓同傳好。被
人指點也愁人。

甲子春初卽事

只有觀書樂。其如病眼何。但令吾意適。不必卷頭多。
人怨花遲發。天教暖早催。不知要催落。却道是催開。
晚得看花訣。丁寧趁絕晨。乘他醉眠起。別是一精神。

晚酌

暑天寒果飮來饒。水果清於水果休。蓮入新秋何更瘦。菱
沉到底竟能浮。山泉釀酒香仍冽。野蕨堆盤爽更幽。方丈
食前非不愛。風蟬一腹飽詩愁。

七夕後一夜月中露坐

火雲散作鬱金雲。簷際移牀偃病身。古井石崖新汲水。花
洲苔砌蕩晴塵。風纔小動卽停吹。竹自不涼那及人。獨感
今宵上弦月。桂梢分露滴紗巾。



今宵土鼓。月。卦。出。令。霏。雨。錄。中。
飛。香。遊。蕙。亂。塵。風。舞。小。博。唱。尊。刻。竹。自。不。意。准。又。入。蹤。想。
火。雲。錯。許。鬱。金。雲。霧。網。絲。林。野。詠。良。古。共。百。歲。滌。苑。水。芬。
十。八。對。一。齊。月。中。霏。坐。

